

LINNETE TSE SA SITOENG

TSA MOLIMO O PHELANG

 Breeding, Kentucky; ho tlameha ho fihla mono tšebeletsong ea lepato ka hora ea bobeli, ho pata e . . . Henry Branham, e leng motoala ka, mohats'ae o shoele. 'Me kōpo ea hae ea ho qetela, ho tšoara tšebeletso ea lepato la hae. 'Me ke koana Breeding, Kentucky. E ka ba limeile tse lekholo le mashome a mahlano kapa le mashome a tšeletseng, kea kholoa, tlase, kapa ntho e kang eo, tlase boroa. 'Me ke tlameha ho tloha hoseng haholo, ho fihla tlase mono.

² 'Me re ntano khutla bosius bona, le ho tsamaea hosane thapama. Rea . . . Ke tlameha ho ba Tulsa veke e tlang, mane Tulsa, Oklahoma. Empa nke ke ka khona ho tsamaea pele ho Labobeli, ho ea Tulsa. 'Me re tla khutla bosiu ba Moqebelo, ho kena bosiu ba Moqebelo.

³ 'Me hape Sontaha hoseng, Sontaha se tlang hoseng, ha e batlide ho ba hora ea borarō, re ea Bophirimela, 'me ha re sa tla khutla ho fihlela sehla sena, mohla ke khutlang ho lata lelapa la ka le lintho; 'me re tla be re khutlide neng-neng sehleng sena, ha Morena a ratile. 'Me ruri ke batla ho kōpa kereke ho nthapella.

⁴ 'Me ke batlide ho bona haeba nka kena. Ha re boneng, bona e tla be e se bosiu ba selallo, kapa na e tla be e le bona? [Moena Neville o re, "Che."—Mohl.] Che. Ke ne ke le teng bosiu ba selallo sa ho qetela. Empa ha kea khutlela . . . Nke ke ka fihla ka nako selallong sena. Se tla tšoaroa bosiu ba Sontaha se tlang, ["E."] e tla be e le selallo? Kamehla ke rata ho tiisetra hoo, ua bona. Kamehla, ha le eja le enoa sena, le bonahatsa lefu la Morena A tle a be a khutle.

⁵ [Moena Neville o re, "Moena Branham?"—Mohl.] E. ["Na u ka tsebisa hoo, letsatsi la tsoalo ea Khaitseli Edith, ba tla tšoara 'mokanyana tlase mono bosiu ba Labohlano le tlang."] Be, ho hotle haholo. Khaitseli Edith Wright o holile ka letsatsi le le leng. 'Me o . . . Ba tla tšoara 'mokanyana tlase lapeng la hae bosiu ba Labohlano le tlang. Be, ho hotle hakakang! Ho lokile. Na bohle ba menngoe? ["Mang le mang."] Bohle ba memetsoe letsatsing la tsoalo ea Khaitseli Edith ea . . . O tla be a batla a tšoara letshome le metso e robeli; na ho joalo, Khaitseli Edith?

⁶ Ho batla ho tšoana leha ke buile letsatsi le leng, ke itse, "Ua tseba, ke sa tsoa feta mashome a mabeli a metso e mehlano."

'Me thaka le leng la qamaka, la re, "Yaa?"

⁷ 'Me ka re, "Khetlo la ka labobeli."

⁸ [Motho o re, “Moena Branham!”—Mohl.] Neng? O tla be a le mashome a mararō le metso e robong. Khele, e ka re ha ho joalo, ha ke re? Mashome a mararo le metso e robong. Kamehla ke ‘mitsa ngoananyana, ua tseba, hobane khetlo la pele ha ke tseba Edith, kea kholoa ke . . . Edith, ha re boneng, ke u tsebile, kea kholoa, lilemo tse ka bang mashome a mabeli le ho hong joale, kea kholoa, lilemo tse mashome a mabeli le metso e mehlano, mohlomong tse mashome a mabeli le metso e robeli.

⁹ Ua bona, esale ke rera lilemo tse ka batlileng ho ba mashome a mararo le motso o le mong, ha ke nahana, ka hona kea kholoa ke u tsebile hang hoba ke qale ho rera, lelapa la Wright. Ka hona, ke leboha haholo ha ke tsebile batho bao. Ruri ebile tšusumetso bophelong ba ka.

¹⁰ ’Me haeba lelapa la Wright le ka honyella Bosafeleng, ’me ke ntse ke phela, nke ke ka feta tulo eo ke sa role katiba ea ka, ho hopola lintho tse khōlō tseo Molimo a li entseng mosikong oa leralla leo mono! Oh, banna! Ke hona moo, oh, ntho e ’ngoe le e ’ngoe e hlahile tlase mono. ’Me ke bone mono, ho etsahala, Lengeloi la Morena le etela Georgie Carter. Ho akha le moo A nkisitseng mosikong oa leralla leo bosiuung boo, mabapi le poison ivy le nyee eo. ’Me A boela a kopana le ’na mono ka pono, le ho khantša ho tsoa lihlahleng tsa dogwood bushes. Bao . . . Oh, banna, ho hlahile lintho tse ngata hakana.

¹¹ Moena Wright o ne a robetse ntšing tsa lefu, athe lingaka tsohle li ne li fetile. ’Me litho tsa kereke ea hae tlase mono, li ’molella, “Tsamaea u late mofolisi oa hao oa Khalalelo joale.”

¹² ’Me ka lula holim’ a leralla, ke lla matsatsi a mane, ho mo rapella. Morena a bua ka pono, ha thoe, “E-ea mo borella HO RIALO MORENA. O tla pata mothaka ea mo sommeng.” ’Me o entse joalo. Ke hantle. Le lintho tsohle tseo.

¹³ ’Me ke hona moo Moea o Halalelang, khetlo la pele nalaneng ea—ea Kereke, moo nkileng ka e bona e etsahala, mohla A neng a buile le . . . mesamane eo ea lifate e boptjoa ka lentsoe. Hape, le ho nea Khaitseli Hattie sefe le sefe seo a se kōpileng, e ka bang eng, chelete kapa eng feela, ha thoe, “U tla e beheloa hona joale.” A kōpela meeaa ea bashanyana ba babeli ba hae. ’Me Molimo o a mo nea bona. ’Me tlase mono leralleng ho hlahile lintho tse ngata hakana. Molimo a ba hlohonolofatse, ke thapelo ea ka.

¹⁴ Hela, Sharon Rose e monyenyanee o a kula mona, Sharon Rose Daulton e monyenyanee. O kae Sharon Rose? Na ebe . . . O sa tsoa tsoela kantle. Uh-huh. Ho lokile, re tla . . .

¹⁵ [Moena e mong o buisana le Moena Branham—Mohl.] Ho thoeng? [Moena eo o bua hape] Be, ua tseba ke’ng, ha re ba rapelleng joale.

¹⁶ Hoba, ke tla le borella seo ke tla se etsa. Hang ha ke qeta, ke batla ho fihla moo, ke tlameha ho theohela Kentucky. ’Me ke na le . . . Be, haeba e le limaele tse lekholo le mashome a mahlano, ha

ke tsebe. Ke Breeding, Kentucky. Ha ke hopole bohole ba eona. U theoha tsela eohle ka turnpike, hape bohole bo lekanang, kapa hojana hape, pejana ha u haola, u a theoha u feta ha Moena Beeler, le ho feta har'a motse oo, le motse o mong, le motse o mong, le motse o mong, ho fihla kerekanaeng e hahiloeng ke ntatemoholo, kerekana ea Methodise eo nkileng ka rera ho eona lilemong tse mashome a mabeli a metso e mehlano, tse mashome a mararo tse fetileng.

¹⁷ 'Me leleiti lena le tla pateloa mono. E ne e le mooki. 'Me o shoele ka tšohanyetso, 'me kōpo ea hae ea ho qetela e le—e le ha nka rera lepato la hae. 'Me e mong oa batho ba hesō o nyolohile maobane a nkōpa ho ea e etsa, 'me ha ke—kea khona ho ba hanela feela; a lutse mono a lla, ho re, "Ke kōpo ea hae ea ho qetela." Keha ho le boima, ua tseba. 'Me ka re feela, "Be, ke batla ho theohela kerekeng, 'me ke batla ho bona batho mono, ke ntano kenyelelsa hoo, hape." Ka hona, ke batla ke tlameha ho potlaka ho e hethisa, lea utloisia ke hona.

¹⁸ Joale nakong eo ba ntseng ba etsa, kea kholoa, Moena Daulton . . . [Motho o re ngoana "o ile ntloaneng."—Mohl.] Oh, be, hoo ho lokile. Hoo feela, re tla ema motsotso feela ho fihlela . . .

¹⁹ Tlisang Janice e monyenane holimō mona. Le motho mang ea batlang ho tla rapelloa, ho itoketse. 'Me rea . . .

²⁰ U phela joang, Janice? Khele, leleiti le khabane ke lena—ke lena mona. Tloo koano. Lebaka la botle ba hae bo bokana, ke ngoana khaitseli ea ka. 'Me ke batla ho khutlela morao *mona* batho ba tle ba nkutloe, seo ke se buang. Joale, moratuoanyana enoa, ntata'e le 'mè ba koenne hamonate, empa ngoana enoa o hlahetsoe ke ho hong. O hlokolosi, o hlokolosi haholo, 'me o monyenyanne o mosesane. O mosa haholo; 'me, ehlile, lea ntseba ke nahana joalo. Empa kamehla phoso e teng ka ngoana enoa. Satane o leka ho nka ngoana. 'Me mohlomong Molimo o behile letsoho la 'Ona holim'a ngoana, ua bona. Re ka sheba, ha le bona Satane a sebetsa. Feel a ke, shebang, ho na le ntho e robetseng nqa e 'ngoe. Joale o se a kutse matsatsi a 'malaoa.

²¹ Ha kea ka ka fihla mono, ha kea tseba haeba a ile a hlaphoheloa kappa che. Ke ne ke tlameha ho ea Florida le ka mathoko.

²² 'Me, empa o tlokeloa ke feberu. Ha ho joalo, khaitseli? Eèna, feberu ea hae e phahama haholo, e batlang e etsa lekholo le [Motho e mong o re, "Tharo."—Mohl.] Lekholo le tharo, eo ke feberu ea ligarata tse hlano. Lingaka ha li tsebe seo e leng sona. 'Me ba e hopola e le feberu ea ramatiki. Haeba e le feberu ea ramatiki, e tla siea pelō ea hae e le maemong a nyarosan, e kang e bolaileng malome oa hae. Empa bophelo ba ngoana enoa ke tlil'o bo tsekela Jesu Kreste, ua bona.

²³ 'Me lea tseba Davida, joaloka ha nkile ka bua pele, mona. Davida o ne a boelle Saule, a re . . . Saule a batlile ho mo

hlomella ka sehlomo le ka lerumo, ho loantša Goliathe, oa senatla. O itse, "Ha ke—ke—ke tsebe letho ka linto tseo," a re, "empa ntese ke nke letjeketjane lena, lona nkile ka le leka, ua bona." 'Me o itse, "Tau e kile ea kena, ea tšoara nku ea ntate. 'Me ka e sala morao, ka letjeketjane lena, 'me ka e tšoara. 'Me ka busetsa nku."

²⁴ Joale, tsena ke linku, le tsona, likonyana le linku, linku tsa Molimo. Joale ha re li saleng morao hoseng hona, re le Kereke ea Molimo, ho li busetsa. Joale ngaka ha e tsebe seo e ka se etsetsang ngoana.

²⁵ 'Me kea kholoa le ngoanana e monyenyanee oa Moena Ed, hape, o jeoak e asma e hatetseng pele kapa ho hong.

²⁶ Be, ke kholoa Jesu a buile sena, "Ke le nea linotlolo tsa 'Muso. Seo le se tlamang lefatšeng, se tla tlangoa Leholimōng. Seo le se lokollang lefatšeng, se tla lokolloa Leholimōng." Rea e lumela, ka pelō eohle ea rōna. Joale, Molimo o re fe tumelo ho e lumela ka pelō eohle ea rōna, re sa rapela.

²⁷ Ntata rōna oa Leholimō, mona ke tšoere palesa e hlokolosi ea lelapa la Weber, e mosa, e bonolo, e hlokolosi. 'Me lingaka, ka botšepehi; ba leka ka sohle seo ba se tsebang, ho leka ho fumana bothata ba ngoana, empa ha li khone. 'Me ke tšoere letsoho la hae, 'me ha ke kholoa a tšoeroe ke feberu ea ramatiki. Kea lumela, haeba ho ne ho le joalo, U ka mpolella. Ke lumela e le Satane a lekang ho ferekanya bophelo ba ngoana enoa. 'Me re mo tseka hoseng hona, bakeng sa 'Muso oa Molimo.

²⁸ Uena sera sa bophelo ba motho, uena sera sa Molimo o Matlaohle, ke tla ke ema sebakeng sa ngoana enoa, ho u leleka ho eèna. Ka Lebitso la Jesu Kreste, lesa ngoana e monyenyanee enoa. U ka balehela ngaka, empa u ke ke ua balehela Molimo. Thapelo ena ea tumelo e tobisitsoe botsekeng, ka Lebitso la Morena Jesu, ho u otla 'meleng oa ngoana enoa. 'Me E tla u hlaba bohlabetaneng hohle moo u ipatileng, 'me u tla utulloa u ntšoe. 'Me ngoana o tla phela 'me a phekolo, hoba re mo hlahisa ka Lebitso la Jesu Kreste, bakeng sa phosliso ea hae. Amen.

²⁹ Delores, ha ke sa tla toutes ka eona le ka mohla. E. Janice o tla itokela, 'me ke ho fela.

³⁰ Re ntano fumana Daulton e monyenyanee mona. Na ha ba khabane! Ke mothoana ea mosa hakakang! Khele, u hlile u boima! [Moena Branham o a tšeja—Mohl.] Na ha se moratuoaanyana, ngoana oa mo-Irishi oa makoma ea mahlo a boputsoa ba leholimō le moriri o motšoana. 'Me o ntse a kherehla, matšoafonyana a hae le ntho e 'ngoe le e 'ngoe. O tšoeroe ke asma, ntho e kang eo, qoqothong ea hae.

³¹ Oho Morena, tau le bere li kile tsa kena, ho boletse Davida, tsa tšoara e 'ngoe ea likonyana tsa ntate, eaba o li sala morao, 'me o khonne ho hlola tau eo le bere. 'Me re tla hoseng hona joaloka balumeli (joaloka Davida) ka Molimo oa Leholimō, Ea

entseng Maholimō le lefatše, bakeng sa ngoana enoa, ka Lebitso la Jesu Kreste.

³² 'Me, Satane, uena ea hlokofalitseng ngoana enoa, u tla mo lokolla, hoba re u laela ho tlohela ngoana, a tle a phekolo. Ke u khalemela, uena Satane, le ho u laela ka tsoho ea Jesu Kreste Mora oa Molimo, Ea u fekisitseng, le matla 'ohle a hao a hlanamisitsoe. 'Me ha u na matla. 'Me kea u fekisa, ka tumelo Lebitsong la Jesu Kreste, E leng Mora oa Molimo, Ea re laetseng ka Evangelī ena, hore re tla u leleka ka Lebitso la Hae; ke taelo e ntšitsoen ke Kreste. U tla mo lesa. Hoba, re u laela, ka Lebitso la Jesu Kreste, ho tlohela ngoana enoa. 'Me o tla phela.

³³ Joale se belaele le ka lethebana, Khaitseli Daulton. Se hhole o tšoenyeha. Molimo o boletse, ho felile.

³⁴ Thakanyana lena ke mang? [Motho o re, "Lisa Wilson. O metse lethopa."—Mong.] Oh, lethopa holim'a leihlo la hae. Joale e batla e le leleiti le lecha. Ha ke tsebe haeba nka mo phahamissa kapa che. Empa o motle haholo. Lebitso la hae ke Wilson. Lela, Lela? ["Lisa."] Lisa Wilson. Na ha se mothoana e motle? O metse lethopa leihlong la hae. Be, Jesu o folisa mathopa, na ha A etse joalo? ["Ehlile O etsa joalo!"] O tla lokela ho shoa. ["Ha lea petla na?"] Be, ke—ke hlahala e nyenyane e batlang e le mafura feela, e hlephile, ha e na metso....?...? ["E tse e hola joale, leha ho le joalo."] Ha re rapeleng.

³⁵ Oho Morena, re tlisa ho Uena moratuo a monyenyanne enoa, ka Lebitso la Morena Jesu Kreste, le ho mo tšoara, joalo ka ngoana ea se nang sekoli, ka pel'a Sefahleho sa Molimo. 'Me diabolosi o mo hlahiselitse bobe bona, 'me a ka tima leihlo la hae, ka eona, hola a ka khona, empa U mo hlola ka ho fetisisa.

³⁶ Rea u laela, Satane, ka Lebitso la Jesu Kresre, Ea u fekisitseng le mahloko a hao 'ohle u a behang holim'a batho. Rea u laela, ka Lebitso la Hae, ka thomo ea Lengeloi le ronngoeng le etsoa ho Molimo, u tsoe ho ngoana enoa, 'me a phele, ka Lebitso la Jesu Kreste. Amen.

³⁷ U hlohonolofatsoe Lisa e monyenyanne. Nke ke ka hlola ke belaela, hape. Lumela feela hore e tla itokela.

³⁸ Ho lokile, Khaitseli Bruce. Joale uena, ha u rata, basali bana ba emeng mona, Joyce, atamela mona haufi, hore batho ba khone ho kena. Moena Neville, u ka tla, ka kōpo, u aba tlotsa ka oli.

[Moena Neville o tlotsa batho ka oli, 'me o re, "Ka Lebitso la Jesu. Alleluia!"—Mohl.]

[Khaitseli e mong o re, "Ke rata ho emela morali oa ka."—Mohl.] Ho emela morali oa hao. ["Ngoanana eo o emela motsoala oa ka."] Ho emela motsoala oa hao. Motsoala; morali.

'Me la hao ke mang, khaitseli? [Khaitseli o re, "Mora oa ka, . . . ? . . . o lokolotsoe ho Molimo."—Mohl.]

Batho bana ba tseba litaba tsena.

³⁹ Ehlide, khaitseli ea rōna *mona* o holofetse, kea bona. Ke arthritisi, ha se eona, khaitseli? [Motho o re, “Noka e robehileng, a ba a tšoaroa ke setorouku.”—Mohl.] Noka e robehileng, a ba a tšoaroa ke setorouku.

⁴⁰ Lelelit *lena* mona o na le khatello ka mora hlooho ea hae, ekare letsoho ka motho le e hatelletse.

⁴¹ Khaitseli Bruce o lemetse leoto, ‘me hape o... [Khaitseli Bruce o qoqa le Moena Branham—Mohl.] O sa le kokelong. [“Ke lokolotsoe...?...”] U oeple kapa ntho e ‘ngoe? [“Ke oeple lifting...?...”] Ke e mong oa likhaitseli tsa rōna mona kerekeng. O oeple lifting, ‘me ruri o hlahletsoe kokelong. Na e robehile? [Khaitseli Bruce o arabela.] Oh, baetapele le methapo ea mali, le joalo-joalo. Hape, o emetse ba bang, baratuoa ba itseng.

⁴² ‘Me maleiti a mararō ana a emetse baratuoa, re tle re tsebe joale ha re rapela. Joale ha re inamiseng lihlooho tsa rōna, e mong le e mong.

⁴³ Oho Morena Jesu, likōpo tsena li tsebisitsoe. ‘Me Bibele e boletse, “Le tsebise likōpo tsa lōna phuthehong ea bahalaleli.” Ba rapellang baratuoa ke bana, ba bang ba kula ba kannete, ba bang ba kula kelellong, ba latola boteng ba Molimo o phelang, hape, le maemo a mang. Mona re fumana khaitseli ea rōna e tsoenyehileng leoto a le maemong a nyarosang, o sa tsoa lokolloa kokelong mona, hoseng hona. Khaitseli ea hateletsoeng ke khatello e kana ka mora hlooho ea hae. Le khaitseli ea robehileng noka le setorouku. Bohle ba teng mona, Morena. Ba hlahisa likōpo tsa bona, ‘me ba eme ka pel’ a aletare ea Molimo; oli ea tlolo e phatsima lihloohong tsa bona, e bapisa Moea o Halalelang. Ke ema ka ho nyatseha ha tsebo ea ka ea Jesu Kreste le Lentsoe la Hae, ‘me ke kōpela e mong le e mong oa bona.

⁴⁴ Molimo, e re ke sa ba beha matsoho, likōpo tsa bona li abeloe bona. Aba sena, Oho Molimo, ka Lebitso la Jesu. Ho be joalo, Ntate, ho Khaitseli ea rōna Gertie, ka Lebitso la Jesu. Le eēna Khaitseli Bruce, Morena, ho be joalo, kōpo ea hae, lengole la hae le litho tsa hae. Bakeng sa khaitseli ea rōna e jeoang ke maemo a ka morao ho molala oa hae; ho be joalo, Morena, ka Lebitso la Jesu, ‘me o tla lokolloa ho eona. Satane a tlose matsoho a hae ka morao ho molala oa hae. Aba sena. Le khaitseli ea rōna e holofetseng, a boetse e otliloe ke setorouku, le noka e robehileng.

⁴⁵ Morena, tse ling e ka re li nyenyane haholo, le tse ling li le khōlō haholo, empa ha ho tse nyenyane haholo kapa tse khōlō ho feta Uena. U Molimo, holim’ a tsohle. ‘Me kea rapela ‘me ke ba lokolla ka thapelo ea tumelo, e mong le e mong oa bona; Morena, joaloka mohlanka oa Hao, ho roba matla a—a pelaelo kapa ntho efe e ba okametseng. Ke ba neela tokoloho ea bona, ka Lebitso la Jesu Kreste. E mong le e mong a amohele hantle seo ba se kōpileng. ‘Me joalo ka kereke ena, moifo oa ‘Mele oa

Hao, o rapelang joale, re ba lokolla ka Lebitso la Jesu Kreste. Ba E amohele hona joale, tlotsong ea Hao. Amen.

⁴⁶ Molimo a sitse e mong le e mong oa lōna, joale le E amohele. E-eang, le amohele lipholiso tsa lōna le lehlohonolo.

⁴⁷ Joale pelaelo ha e sa fumanoa likelelong tsa rōna. Na e teng? Ha ho pelaelo le e 'ngoe. Molimo o tla e phethisa? Lea e lumela na, e mong le e mong? [Phutheho e re, "Amen." —Mohl.] Molimo o tla e phethisa. Ntho e 'ngoe... A ke ke a siea letho le sa phethisoa, O tla etsa seo re Mo kōpileng sona ka tšoanelo. Hobane, ka ha A ke ke a etsa letho lesele 'me a lula e le Molimo, ua bona. Haeba re sa belaele, O tla re neha eona.

⁴⁸ Joale le se ke la lebala ho rapella motho ea hlokang thapelo kannete. Na lea mo tseba? Ke 'na. Yaa, ea hlokang thapelo. Ea emeng sekheong joale, 'me ke kenela letotohali le le lelele la likopano, ho haola hohle California, Oregon, Washington, le ka mathoko ho Oklahoma le libaka tse fapaneng. Batho ba tla tsoa Canada, le ntho eohle. 'Me ke tlameha ho ema sekheong, ka liphapang tsa bareri le mehopolo, le ka matla a diabolosi; 'me bofelo, nako ea bofelo e a atamela.

⁴⁹ 'Me feela motho o buile letsatsi le leng, a fihla lapeng la ka. E le e—e leleiti, a fofile ho tsoa Jeremeane, le motho e mong a e-tsoa hore-le-hore, a re Morena o ba laetse ho tla, 'me bao, *sena, sane, se sang*. 'Me motho a parola seterata, ha thoe, "U khona joang ho e mamella?" Ua bona?

Ka re, "Oh, ke mohau oa Hae." Amen.

⁵⁰ Eaba ke tlameha ho qhomela sefofane hantle, ho fofela bosiu bohle California kapa Arizona, kapa, Florida. Ho khutla, le ho tsoasoa ke sefefo. Diabolosi a leka ho re liha, ua tseba. 'Me Morena a re kenya kahare. Eaba hosseng ho latelang, maobane, ke ne ke tlamehile ho tloha ho ea Bakersfield, California, qomatsing ea moreri. 'Me feela ea... Ke ha ke sa khone ho e phethisa feela, ke phetho. 'Me, ua bona, 'me u finyella tse *ling*, 'me ha u—ha u tsebe u tobe nqa efe ho tloha mono, ua bona. Ke, *enoa* ke *enoa, enoa, enoa, enoa*, u tseba seo ke se bolelang; 'me, hape, ke ofe? 'Me e khopisa ba bang ha u sa khone, ha u sa ba bone kaofela, ua bona. 'Me u ke ke ua ba bona kaofela. Ka hona u tlameha ho ema feela, ka moo u ikutloang u etelloa, u ntano tloha feela.

⁵¹ Ke batlile ho thoholetsa molisa oa rōna ea lokileng. Kokelong, maobane bosiu, maemong a qomatsi, eaba ke butšoella Moena Wood le Charlie le bao, ho ella har'a bosiu koana. Leleiti le shoang le ne le robetse, le e-shoa, likhaiseli tsa hae le bao ba le teng mono. 'Me a ilibane nakoana, a tsoha a amohela Morena Jesu. Eaba ke tataisetsa monna e mong ho Morena Jesu, tlase mono Florida, e le moetsalibe. 'Me lihora tsohle tsa bosiu, le ntho eohle, ke mabapi le liqomatsi, u—u tlameha feela ho sala moreri morao ka nako e 'ngoe ho tseba. 'Me ke utloile litšoaelo tse hlabosang ka ho fetisa kokelong,

mabapi le molisa oa rōna ha a ne a fihla mono, ka moo a etelang batho a rapellang bakuli, le ho tsepahala temeng ea kutlo. Ke—ke ananeloa seo haholo, ho fuoa mohlatoana ona, mohlanka oa Morena, ea tsepahang temeng ea t̄s̄ebetso. Ha u ananele... Le hlile lea mo ananeloa, ehlile bo, empa re... Ho na le ka mokhoa o itseng oo re ka e hlalosang ho feta moo, ua bona, ho mohlanka ea tsepahang ho Morena.

⁵² Motha o mpotsitse nakoana e fetileng, mane Chautauqua, kopanong ea rōna ea ho qetela, “Moena Branham, u khona joang ho tsoelapele joalo?”

⁵³ ’Me ka re, “Gene Goad ke enoa, Pat Tyler, le seholpha sohle sa mathaka ana mona, ka nako ha ke t̄soere e ’ngoe ea likopano tseo; ba inama ka sefahleho sa bona, ba itima lijo matsatsi ha ba je, le ho rapela le ntho eohile, bakeng sa ka.” Ke sona se ntjarang. Ua bona? Ke ona matla ao. Thuso ea bona e tsoa ho Morena. Moena Daulton, oh, ba bangata hakana ba bona, e leng metsoalle e itimang lijo feela e rapela, ba hana lijo tsa bona le lintho, le ho itima lijo le, ho rapela.

⁵⁴ Joale haeba Moena Gene, motšeо ka morao, a le malala-a-laotsoe ho hatisa, joale ke tla etsa joalo. Moena Neville o tla tsoella ka litšebeletso ka morao ho nakoana. Ke batla ho bua nakoana feela.

⁵⁵ ’Me joale ha nka khona ho khutla, Edith, moratuoa, ha ke utloa mokete oa letsatsi la tsoalo ea hao o Labohlano bosiu; ha nka khutla Oklahoma ka nako, ke tla theoha, ua bona, Labohlano bosiu, haeba nka khona.

⁵⁶ ’Me joale ha re sa ile, bohole le re rapelle. ’Me ho—ho boletsoe ka har’ा Bibele, “Morena a lebele lipakeng tsa ka le uena, ua bona, ha re sa arohane.” ’Me A etse joalo, ho le sireletsa le ho le hlohonolofatsa, ho ntshireletsa le ho ntlhohonolofatsa, le ho re thusa ho phela ho Mo sebeletsa ka bokhabane boo re bo khonang, ho fihlela re kopana hape. ’Me ke tla itsetleha ka lithapelo tsa lōna ke sa le kantle koana t̄simong, ho tobana le sera. Ka hona, re rapelleng. Lōna bohole baena ba bareri, Moena Humes le Moena Beeler, le ba bangata hakana ba lōna mona, le nthapelle feela. Lea utloisia.

⁵⁷ Joale re batla ho phetla Buka ea Santa Johanne, khaolo ea 4. ’Me ke batla ho bua hoseng hona, ha Morena a ratile, ka temana e bitsoang: *Linnete Tse Sa Sitoeng Tsa Molimo O Phelang*.

⁵⁸ Ke batla ho bala ho tsoa temaneng ea 14, ho akha le ea 23, ea Santa Johanne khaolo ea 4. Joale re kenella moqoqo, Jesu o buisana le mosali selibeng. Santa Johanne, khaolo ea 4, temana ea 14, ho akha le ea 23.

*Empa e mong le e mong ea noang metsi ao ke mo neang
’ona a ke ke a hlola a nyoroa le ka mohla o le mong; ’me
metsi ao ke mo neang ’ona e tla ba ka ho eèna seliba sa
metsi a phallelang ho isa bophelong bo sa feleng.*

⁵⁹ Joale lentsoe leo mono ka nèpahalo ha se *ka ho sa eeng kae*, u tla bona letšoaonyana holim'a lona haeba ka, haeba u tšoere Bibele ea King James. Ho ea mantlha, e re, "ho isa Bophelong Bosafeleng." *Ka ho sa eeng kae* ke nakoana feela. *Bosafeleng* ke kamehla.

... *phallelang* ho isa Bophelong Bosafeleng.

Mosali a re ho eèna, Morena, mphe metsi ao, ke tle ke se hhole ke nyoroa, 'me ke se hhole ke tla kha mona.

Jesu a re ho eèna, E-ea, bitsa monna oa hao, 'me le tle koano.

Mosali a araba a re, Ha ke na monna. Jesu a re ho eèna, U boletse hantle ha u itse, Ha ke na monna:

Hobane u kile ua ba le banna ba bahlano; 'me eo u nang le eèna joale hase monna oa hao: moo u boletse teng.

Mosali a re ho eèna, Morena, kea bona hobane u moporofeta.

Bo-ntata rōna ba ne ba rapela thabeng eo; 'me u re, ngalo eo ho tšoanetsoeng ho rapeloa teng e Jerusalema.

Jesu a re ho eèna, Mosali, ntumele, nako ea tla, eo le sa tl'o rapela Ntate, thabeng eo, leha e le Jerusalema.

U rapela seo le sa se tsebeng: rōna re tseba seo re se rapelang: hobane poloko e tsoa ho ba-Juda.

Empa nako ea tla, le joale e se e setse e le eona, eo barapeli ba 'nete ba tla rapela Ntate ka moea le ka 'nete: hobane Ntate o batla ba mo rapelang joalo.

⁶⁰ Litšiung tsa Jesu oa Nazaretha, mohla A na a le holim'a lefatše mona, a tsamaea ka nama, O fumane batho, tšiung ea Hae, ba batla borapeli bo tlang ho ba tlisetsa tokoloho. Ba ne ba batlike borapeli bo tlang ho ba loela makhopong a bona 'ohle le lirenq tsa bona. 'Me Bokreste ba khahlanyetsa phepetso eo ba e kōpileng. Bokreste ba khahlanyetsa sohle seo ba se hlokileng, le sohle seo ba se kōpileng. Bo ile ba khahlanyetsa ntho e 'ngoe le e 'ngoe ea litlhoko tsa bona, empa ba hanne ho Bo amohela.

⁶¹ 'Me le kajeno ho batla ho itšoanel. Re fumana batho kajeno, joaloka mohlang oo, ba batlana le borapeli bo tlang ho ba etsetsa ho hong, bo tlang ho—bo tlang ho ba tlisetsa bonneta bo itseng. 'Me Bokreste ba 'nete ba sebele bo khahlanyetsa liphepetso tseo, empa ha ba Bo batle. Ba mpa feelsa ba sa Bo batle. Tlhaho ea batho kajeno. Ha ke bue ka Kereke e tsoetsoeng labobeli. Ke bua ka sechaba le ka naha, ka kakaretso. Ba bonahala ba sa E batle.

⁶² Ha u batla ntho efe, ha u khone ho phomola ho fihlela u e fumane. Jesu o buile, thutong ea thabeng ho matšoèle, "Ho lehlohonolo ba lapileng le ba nyoretsoeng ho lōka, hobane ba tla khorisoa." Haeba ba lapile 'me ba nyoriloe!

⁶³ Empa kajeno re leka ho nea batho seo ba se hlokang ka 'nete, 'me ha ba batle ho E amohela. Ba mpa ba sa E batle feela. 'Me boitšoaro ba batho ha bo e-so fetole haesale. 'Me athe ke sona seo lefatše le se hlokang ka tšoanelo kajeno, ke borapeli ba Jesu Kreste, tokoloho linthong tseo ba li tšabang 'me ba li tšoha, 'me ba hloka tokoloho ho tsona.

⁶⁴ Litšiung tsa Hae mona lefatšeng, le leng la mabaka ao ba sa khonang ho amohela Jesu oa Nazaretha ka lona, le ho lumela ho Eèna le—le ho amohela tokoloho ea bona, hobane e ne e sa tloaeleha haholo ho bona. E ne e le joalo. O ile a tlisa tokoloho ea Hae. Molimo o no o ba romeletse tokoloho ea bona. 'Me ho bona keha e sa tloaeleha hona, hoo ba—ba sa batlang ho e amohela, hobane e sa fihla kamoo ba neng ba tloaetse ho amohela borapeli.

⁶⁵ 'Me le 'ona maemo a ikhethethehileng ao a hlaha ka ho tšoana kajeno, ho a hlolla ho e bona e bapile le kajeno. Batho ba kajeno ba ntse ba ipotsa, "O kae Molimo o phetlileng Leoatle le Lefubelu? O kae Molimo o ntlaufalitseng balepera? O kae Molimo o lokolotseng babalehi... ho ba lokolla?" Athé e haufi haholo, 'me ha ba batle ho E amohela. Hobaneng? Ka lona lebaka le tšoanang le la bona mohlang oo. E fapané haholo. Ha e a tloaeleha. Bao, ba batla...

⁶⁶ Letsatsing leo, hola A ba tlisetsa litumeloana kapa sebopého seo ba tlamehang ho se boloka, meetlo e itseng le lintho tse joalo, ba ka be ba e amohetse ka thabo. Empa kahobane A E tlisitse ka moo A entseng, batho ba hanne ho E amohela ka sebopého seo A E tlisiseng ka sona.

⁶⁷ Le kajeno ho a tšoana, ho tšoana hantle. Bao, ba E batla, empa ha ba batle ho E amohela boemong boo Molimo o E tlisang ka bona. Athé Molimo o ka E tlisa ka mokhoa oo feela. 'Me re ke ke ra theolela Molimo boemong ba mohopolo oa rōna. Re tlameha ho nyolohela boemong ba mohopolo oa Oona, le ho kopana le Eèna mabaleng ao A re hlahisitseling ho kopana le Oona teng. Ua bona? Ba batla tokoloho.

⁶⁸ Bao bohole ba ne ba bolokile litumeloana tsa bona tsa bolumeli bo mabitso, le Bafarisi, le Basadusi, le Maheroda, le eng hape, libopeho tsohle tse fapaneng le maquloana a borapeli. 'Me e mong le e mong, e mong a bolokile ba hae; a sa lumele tsoho, kapa a re ha ho Lengeloi kapa moea. Athé e mong o lumetse bobeli boo, tsohong, ho Lengeloi le ho moea. Athé e mong o lumetse ho hlatsoa matsoho ka mokhoa o itseng, le mokhoa oa boitšoaro ba hao.

⁶⁹ Ho a tšoana le kajeno. Joale hola re ka hlaha, Kreste a ka kena ka ntho ea mofuta o kang oo, be, batho ba ka thabela ho e amohela.

⁷⁰ Empa ha A fihla ka Matla a Hae a tsobo ea Hae, ho etsa hore batho ba pele le ho itšoara le ho itaola, le ho—ho fetola

maitšoaro a bona, ho fetola litsela tsa bona, ho fetola maphelo a bona, ha ba batle ho amana le eona ka letho.

⁷¹ Ba batla ho iphelela ka boithatelo ba bona. 'Me ba batla ho tsoelapele ba phela ka moo ba kileng ba phela ka mehla, empa feelsa ba tletse borapeli haholo, le ho tsamaea kereke e be setho sa eona, ba tla tsoelapele Sontaha hoseng kapa nakong efe feelsa; 'me ba rereloa theroa metsotso e leshome le metso e mehlano ke moruti; e tlang ho ba qhalanya mono, ba batla ba khotsofetse ha e le moo ba phethisitse borapeli ba bona ba veke. Ke phetho, ba khutla ho ea etsa eng le eng eo ba e batlang, veke eohle.

⁷² Joale, Molimo o tsepisitse seo O tlang ho se etsa matsatsing ana. 'Me ke rata ho botsa motho mang, moreri ofe, hohle, mabapi le tsepiso e le 'ngoe eo Molimo o e etselitseng Kereke, le seo A boletseng ba tla se etsa, ha e se eo Kereke ea 'nete e etsang hona joale. Empa ha ba e batle. Ha ba e batle.

⁷³ Jesu o tlisitse Molimo maphelong a batho. Molimo oa na oa etsoa motho. Mohla Jesu a neng a tsoaloa, Molimo o ile oa fetoha motho, hore A tle a buisane le motho le ka ho motho, ho (eng?) finyella morero o le mong, oona, ho tlisetsa motho seo Molimo o leng sona; e sang seo kereke e leng sona, empa seo Molimo o leng sona. Jesu o tlide hore A tle a hlahise Molimo ho motho. 'Me motho ha a e batle.

⁷⁴ Moea o Halalelang o fihla kajeno, ka ho tšoana, ho hlahisa Molimo ho motho; empa motho o batla ho tsamaea kereke. E—e—e tima monahano oa hae—oa hae—oa hae. A ka sitoa—a ka sitoa ho O hakanya. 'Me re tšoanelo ho ithuta hoba Molimo ha o tsebjoe ka kutloisiso ea hlalefo. Molimo o tsebjoe ka Tsoalo e ncha, ka Moea o Halalelang, ha se ka tsela efe e sele. Jesu, Bibele e re hlahoselitse taba eo ka botlalo, "Ha ho ea ka bitsang Jesu Kreste, ha e se ka Moea o Halalelang." 'Me haeba u e-so amohele Moea o Halalelang le ka mohla, ha u mo tsebe E le Kreste, hoba A ka Itšenola ka mokhoa oo feelsa.

⁷⁵ Ha u a sokoloha ho fihlela o amohela Moea o Halalelang. Bibele e boletse joalo. Hoba Petrose a pholosoe a halaletsoe, ho fuoa matla ho leleka meeaa e sa hloekang, le ho bolela Evangelii; Jesu o 'moleletse ka ho hlaka a sa sokoloha, ho fihlela a amohetse Moea o Halalelang. 'Me O itse, "Mohla u sokolohang, tiisa baena ba hao." Ke mohla bosiu ba keko, ho itsoe ha a e-so sokolohe. 'Me ha ho motho ea sokolohileng kannete ho fihlela a fetohile, 'me a ichoeletse, 'me Moea o Halalelang o laola motho eo. Ha ba batle ho etsa hoo.

⁷⁶ Joale Moea o Halalelang o ke ke oa Itšoara hampe ka ho motho e mong, e be o Itšoara hantle ka ho e mong. O tla fetolela mang le mang semelong sa Oona, ua bona, hobane ke Moea o u tsamaisang. O a beha, O u beha tlasa tlhaho ea oona. Ha se uena ea O behang tlasa tlhaho ea hao; O u beha tlasa tlhaho ea Oona. 'Me Moea o Halalelang o etsa hore u phele 'me u rate

ho e phethisa. Oh, ka moo u ratang ho tèla lintho tsa lefatše, ha Moea o Halalelang o kena ka hare! Ka moo O u hloekisang le ho u hlatsoa, le ho kenya takatso ka ho uena ho—ho—ho Mo latèla, le lenyora le tlala ho ekeletsoa Oona, ho itolisa feela. O tlisa linnete.

⁷⁷ Joale, Molimo ha o beha motho mona, 'me litšiung tsa Morena Jesu, O—O file motho 'mapa oa 'nete oa tsela e isang Matleng a Hae.

⁷⁸ 'Mapa oa tsela ke ntho e u bolellang taba, ho u bolella moo u habileng teng, haeba u batla ho tsamaea. E tla re ha re tsamaea matsatsing a 'maloa... Ke se ke parotse naha ena haholo, 'na le mohats'a ka re ne re hloletsoe ha re e nahana. Lilemong tse 'maloa tsa ho qetela, ha u ne u ka bolela moo u batlang ho ea teng, nka u bolella tsela efe e eang teng, 'me u tla fihla teng ka metsotsotso e leshome le metso e mehlano, ho tloha mona ho ea California. Ha ke e-so fose le ka lekhetlo, ha ke tsebe hore ke nako e kae... Ka linako tse ling ho e nèpa hantle botsekeng, ua bona, ho bala nako eo ke tla khanna ka eona, le nako ka kakaretso. E sa le ke ea morao le pele, le holimō le tlase, le morao le pele, ho fihlela u e tseba.

⁷⁹ Le Molimo o batla hore re tsebe Lentsoe la Oona joalo. Rea Le tseba! Re tsamaile le Lona. Re Le lekile. Re Le fetisitse tekong, 'me u tseba moo Le eang teng. Joale 'mapa oa tsela ea Hae ke Bibele ea Hae. Bibele ke 'mapa oa tsela o isang Matleng a Molimo; tumelo e u isa Matleng. Matla a hlahisa tsepiso. Re hloka Matla.

⁸⁰ Joale, matsatsi a 'maloa a fetileng, ha Khaiteli Wood, le 'na le mohats'a ka, ha re lutse ka phaposing, re ne re qoqa ka Kolobetso. Baena ba rōna ba theko e thata ba bangata mona, bao re lebohang Molimo ha e le moo O ba file Moea o Halalelang, ba kang Moena Willard Collins morao mane, 'me—'me kea kholoa le Moena Hickerson, le—le mafumahali a bona, le Moena Charlie Cox le mohats'ae, le—le Moena Mike Egan morao mona, le, oh, le ba ba kae, ba amohetseng Moea o Halalelang. 'Me e qala e—ba moqoqo har'a rōna. Oh, O ke o re tsoseletse ho fihlela re batlisisa, re lapa re 'me re hahamalla linnete tsa Molimo. Molimo ke bonneta.

⁸¹ Joale, 'mapa oa tsela o re supisang? Ba loketse ba be ba tsebile. Jesu o boletse, mehleng ea Hae mona lefatšeng, O boletse, "Lōna baikaketsi!" O itse, "Le khona ho lemoha maholimō le re le sithabetse 'me le lefubelu, ho thoe hosane le tla ba lebe; athe ha le hlakile, le khona ho lemoha sebaka; empa ha e le lipontšo tsa mehla, tsona le a sitoa ho li lemoha. Holane le tsebile 'Na, le ka be le tsebile letsatsi la Ka."

⁸² Ana Bibele ha ea bolela lintho tsee li tla hlaho mohla A tlang? Ana Esaia moporofeta ha a porofeta ka tsona? Ana Jeremia, Ezekiele, le baporofeta bohole ba banyenyane, ha ba bua ka eona?

Ntho e 'ngoe le e 'ngoe, 'mapa oo oa tsela o supile mafinyello a ntho e le 'ngoe eo hantle! Feela mohla A tlileng, keha ha ba t'sophile kereke ea bona ka litumloana le ka lintho ba ba ba sitoa ho bona 'nete ea seo A se tletseng; ho tlisa Molimo ho motho, ho bopa Molimo ka ho motho, ho ba boelanya hape.

⁸³ Esita le Jobo, mehleng ea litsietsi tsa hae, o llile, "Oh, hola feela nka bona Eèna!" Ka mantsoe a mang, "Hola nka ea tlung ha Hae 'me ka kokota monyako oa Hae! Hola nka fumana motho ea ka nkemelang sekheong!" Ho re, "Kea tseba ha kea sitoa. Empa koana, ke itseba ke lokile, ke itseba ke sa etsa letho, hoba ke eme holim'a nyehelo ea secheso." Empa o ne a haelloa ke bonnate. O ne a bolokile sebolepho, a mpa a hloka bonnate. O itse, "Oh, hola nka fumana Eo Ea ka behang matsoho a Hae holim'a monna oa moetsalibe e leng Molimo o halalelang, le ho mo tlisetsa linnete!" Nakong eo, eèna e leng moporofeta 'me o ne a kene Moeeng, a lutse, a ntse a ikhoabitla mathopa, Moea oa Morena oa theohela holim'a hae, mahalima a halima, lialuma tsa rora, 'me a hoeletsa, "Kea tseba Molopolli oa ka o a phela, 'me matsatsing a ho qetela O tla ema lefatšeng lena; leha liboko tsa letlalo li sentse 'mele ona, empa ke tla bona Molimo ka nama ea ka!" Ke moo, bonnate! "O tla tla tsatsi le leng." Hobaneng ho ke ke . . . Bapatriareka ba khale, le morao mono, ba neng ba shebeletse taba eo!

⁸⁴ 'Me Jesu o itse, "Holane le tsebile 'Na, le ka be le tsebile letsatsi la Ka." O tlide ho kopanya Molimo le motho 'moho. O tlide, eèna Eo feela. Lengeloi le ka be le sa khona. Ha ho e mong ea neng a ka khona ha e se Eèna. O tlide ho etsa Molimo le motho, bang.

⁸⁵ O itse, "Ka letsatsi leo le tla tseba hobane Ke ho Ntate, Ntate o ka ho 'Na; Ke ho lõna, le lõna le ho 'Na." O tlide ho kopanya Molimo le motho 'moho. Athé, motho o entsoe mothusi oa Molimo, 'me ea e-ba molimo oa lefatše ka sebele sa hae. Ke hantle. Empa a lahleheloa ke qalo ea hae, ka baka la sebe, 'me malí a lipoho le lipõli a sitiloe ho etsetsa sebe sena pheko. Empa Mali a Jesu Kreste a khonne! Oh, ka moo . . .

⁸⁶ Ua bona, Eèna, O bontša 'mapa oa tsela. Eèna, O E pakile. 'Mapa oa tsela o isa ho eona. "Holane le tsebile Moshe, le ka be le tsebile le 'Na. Holane le tsebile Lentsoe!"

⁸⁷ Mohla Satane a kopaneng le Eèna, Satane o lekile ho Mo konkolla. O ne a tšoere 'mapa oa tsela, Satane o entse hoo, kantle, le ho re, "Ua bona, mona E' bua sena."

A re, "Empa ho boetse ho ngoliloe . . ."

⁸⁸ Oh, litsela tse khaoletsang li ngata, *sena, sane*, kapa se *seng*, "Oh, holane nka etsa *sena* feela." Hase eona! Uena, u tlameha ho fumana Molimo ka bouena le ka boiphihlelo. Haeba u ipolela u e fumane, 'me le joale u sa ntse u phelela lefatše, phoso e teng nqa e 'ngoe. Diabolosi o u faposelitse Lengolong le phoso.

⁸⁹ Haeba re sala 'mapa oa tsela morao, haeba o re "thinya mane 'milakholong o itseng le o itseng mona," thinyetsa koana! Haeba

Liketso 2:38 e itse, “Bakang, le kolobeletsoe ka Lebitso la Jesu Kreste, tšoareleng ea libe,” ha E a thinyetsa ho le letše hal; ho re u tšoanelo ho thinyetsa nq’ a eo. Ha ke tsotelle ho joang, u tlamehile ho sala tsela morao. Haeba A itse, “Pallo e etselitsoe lōna le bana ba lōna,” e ne e sa bue ka mongoaha o fetileng. “Bao Morena Molimo oa rōna a tlang ho ba bitsa,” ke sona seo E se builleng! Ke’mapa oa Molimo oa tsela. Re tšoanelo ho O sala morao. ’Mapa oa tsela o tšoauoe.

U re, “Ke tla tseba joang haeba ke kene ho eona?”

⁹⁰ Mehlala ea Mali a Morena Jesu e hahile tsela eo, athe barutuo ba hahile holim’ a motheo oo. ’Me Moea o Halalelang o ba tsamaisitse. Latela ’mapa oa tsela eo.

⁹¹ ’Me masiu a ’maloa a fetileng, motho o itse, “Tlas’ a temoho ea moea, Moena Branham o itoketse. Empa haele thutamolimo ea hae, o hlide o fapohile.” Motho ofe a ka itsebelo hore Bibebe e a ruta ho thoe lona lentsoe *moporofeta* le bolela “mosenoli ea halalelang oa Lentsoe.” Lipontšo e mpa e le—e le kekeletso. Baruti, le ba joalo, ba ka khona ho ruta Lentsoe. Empa mohla u bonang ho hlaha ntho e mohlolo le e senolang ka mokhoa oo, hoo ho e paka e le eona feela ntho. Leo ke Lentsoe la Molimo.

⁹² Jesu oa Nazaretha, mohla A neng a le holim’ a lefatše mona, khafetsa batho ba Mo setse morao ka baka la lihlapi le mahobe, le joalo-joalo, le seo ba neng ba ka se momona ho Eēna. O ile a ba lesa ho tsoelapele. Botumo ba Hae bo kile ba qala ba phahama. Eaba tsatsi le leng O kopanya matšoelie hoba A fepe ba likete tse hlano, a tšeleta mose oane ho letša. Eaba O saloa morao ke sehlopha, ba tsamaea le Eēna. ’Me A re, “Le tlide ka lebaka lefe? Hase ka lebaka la mohlolo, empa ka lebaka la lihlapi le mahobe, le tlide ke hona.” Oh, ba bang har’ a bona ba hopotse ba tla fosa hore-ho-itseng, ua tseba, haeba ba—haeba ba sa bone seo A se entseng. Empa haele ho E ama? Che, monghali.

⁹³ Eaba Jesu, khaolong ea 6 ea Santa Johanne, o qala a beha Evangeli fatše, ’me A ba khopisa. ’Me ho tloha mohlang oo, botumo ba Hae ba qala ba qepha, bo kokobela, “E sa hhole e le eēna Eo hape.”

⁹⁴ ’Me ho joalo le ka moreri oa mehla ena kapa motho ea itseng, haeba ba re, “Khele, bea butle motsotsa mona, u tse—u ntse u khopisa batho ka theroy ea Hao. Uena, ha u a tšoanelo ho etsa joalo.” Joale moreri oa sejaole a ka re, “Oh, e, mohlomong nka sheba seo e—e—e tumeloana e se bolelang.” Ua bona? “Koana nka sheba seo kereke e se buang ka Eona, hobane ba ka tšoha ba nteleka.”

⁹⁵ E ne e se Morena oa rōna eo. Morena oa rōna o tlide ho etsa thato ea Molimo feela! O ne a latèla Lentsoe. ’Me mang le mang eo Molimo o ahileng ho eēna, o tla latèla ka ho tšoana. Na O kile a emisa? Che, monghali. Koana, na botumo ba Hae—Hae bo ile ba eketsa ho kokobela ka linako tsohle. Ba bangata ha ba hlotse ba

tsamaile le Eèna. Ba Mo ngalile. Khaolo e latèlang, ho khutlike ba bang. Le khaolong e latèlang, ho khutlike ba bang. O ne a le ho kae? Tseleng e eang Kalvari! Empa na U kile a emisa le ka mohla? Che, monghali. Ha A ka a tenyetseha ka Lentsoe la Molimo, ho hang. O ile a theoha hantle ka 'milakholo. A tsamaea ka 'mapa oa tsela. Eèna, tsela e ne e behiloe ka pel'a Hae, 'me O tlameha ho tsamaea tseleng eo.

⁹⁶ Tsela e aliloe ka pel'a Mokreste e mong le e mong ea tsoetsoeng labobeli. U tlameha ho latèla tsela morao. Molimo o e tšoailo. E takiloe Mali. 'Me kamehla Moea o phela Maling, hobane Bophelo bo tla ka Mali; sele ea Mali ke sele ea Bophelo. Joale rea Mo latela ke hona, 'me re bona ka moo 'mapa oa tsela o re tsamaisang, ho supa moo re eang teng. Ha e sa le ho le joalo. Ke tsela ea Molimo e hlahiselitsoeng röna. Lentsoe ke tsela ea Molimo e hlahisitsoeng.

⁹⁷ Motho ha a fihla moo a bonang Lengolo, 'me ka baka la botumo, ka lebaka la boikamahanyo ba kereke e itseng, kahobane batho ba hae ba sa mo lumelle ho e rera, monna eo a ke ke a tsoelapele le Molimo. U tlameha ho khutla le ho thonaka Lentsoe leo, ho sa tsottelehe seo e leng sona. Haeba u sa etse joalo, u ntse—u ntse u khelohela ka thoko nq'a e itseng, u tla tetebela seretseng sa qhafutso ea sebe. Ke phepetsa motho mang.

⁹⁸ 'Me laeboraring ea ka holimō mane, re tšoere linalane tsohle tsa mehla ea khale tseo ke li tsebang, *Pre-Nicene Fathers*, e—e—e *Ancient Writings* ea Josephus, ea Hislop *Two Babylons*, ea *Foxe's Book Of The Martyrs*, lingoloa tse ling tsa khaleng tse ngata, ngata. 'Me ha ho mohla kereke e kileng ea emisa holim'a molaoana oa eona, moo Molimo o kileng oa e tsosa hape. E ile ea teba hantle mono letsopeng le nyafunyafu. Ke hantle. Ha e—so tsoelepele le ka mohla, ka moea, ha e—so khone 'me ha e sa tla khona le ka mohla. Ha se porogramo ea Molimo.

⁹⁹ Lenaneo la Molimo ke Moea o Halalelang. Ke tsela ea Molimo e betliloeng ho etsa lintho. Joale lemohang sena. Matsatsing a Nohe... Lenaneo la Molimo ke tsela e hlorisoang kamehla. Lebaka leo batho ba sa O batleng.

¹⁰⁰ Matsatsing a Nohe, ba ne ba e-na le borapeli. Ba bo bolokile lilemo tse likete tse peli, joaloka ha Bokreste ba röna bo leng teng. 'Me ho le banyefoli ho tšoana le joale. 'Me matsatsing a Nohe, ho etsahetse'ng? Re fumana Nohe aeme monyako o le mong oa areka, a aha areka e khahlano le mohopolo oa motho mang. Pula e—so ne le ka mohla, leru le e—so ka le thea libakeng tse holimō. Empa Molimo o e boletse e tla na. Leo e ne e le Lentsoe la Molimo. Molimo o itse, "Lokisa areka." Eaba Nohe o lokisa areka, 'me a ema monyako o le mong a rera pholoso. 'Me ke sona feela sehlare se leng teng sa pholoso.

¹⁰¹ Ke papiso e kakang ea kajeno! Monyako o isang ho Molimo o mong feela, 'me monyako oo ke Kreste. Kreste ke Moea o

Halalelang o phelang ka ho rōna. 'Me re eme monyako oa areka ea Molimo, oa Moea o Halalelang, 'me re rera "Tsela ke ena," ke ona moraloo oo ba bang ba o tsamaileng holim'a ona.

¹⁰² Nohe e ne e le tsela ea Molimo e lokisitsoeng. Matsatsing a toelo Egepeta, Moshe e ne e le tsela ea Molimo, ua bona, molaetsa o ka holim'a hloleho, e—e tsela. Ua bona, Nohe o ne a tšoere ntho e fapaneng. Nohe a tšoere borapeli bo fapanang le ba ba bang kaofela; o ne a tšoere Lentsoe la Molimo. Athé batho ba ne ba sa tloaela Lentsoe la Molimo. Ba ne ba tšoere litumeloana tsa bona, ba tšoere sa boithatelo ba bona. Ka baka leo ba ne—ba ne ba mametse litumeloana, 'me e seng Lentsoe. Empa Nohe o ne a tšoere Lentsoe.

¹⁰³ Moshe o ne a tšoere Lentsoe. Ho sa tsotelehe seo ba bang ba se tšoereng, Moshe o ne a tšoere HO RIALO MORENA. Shebang seo e se pakileng. O entse lipontšo le meeka, 'me pontšo e 'ngoe le e 'ngoe e setsoe morao ke puo. Joale Molimo o boletse, "Ekare ha ba sa utloe puo ea pontšo ea pele, ba tla utloa puo ea pontšo ea bobeli."

¹⁰⁴ Joale batho kajeno, joaloka bao matsatsing a Jesu, ba ntse ba setse mohlolo morao. "Oh, A ka tšoha a etsa ntho e batlang e fapane. Nka tšoha ke sa e bona e etsoa. Ha re boneng haeba A khona ho senola *sena*. Ha re boneng haeba A ka e etsa." Ua bona, O sebetsa ka tsela eo. Ba latetse ka baka la lihlapi le mahobe feela. Empa mohla ba tšoanelang ho baka, ho kolobetsoa ka Lebitso la Jesu Kreste, le ho amohela Moea o Halalelang, ba ke ke ba E tšehtesa le ka monoana feela. Ke hantle. 'Me ba u nyatsa.

¹⁰⁵ Athé ba nyatsitse Jesu, ka ho re, ha thoe, "Oh, U rera khahlano le lintho tsena." Hoo ha ho A mo khina ka letho. O ile a tsoelapele hantle.

¹⁰⁶ Moreri e moholo, letsatsi le leng, o kile a mpheha matsoho, ha thoe, "Ke tlil'o u rapella, Moena Branham, hore u se ke ua bua letho khahlano le ka moo batho bana ba phelang kahar'a likereke tsena." A re, "Moena Branham, u tla etsa hore ba... U tla etsa hore ba u halefele."

¹⁰⁷ Ka re, "Nka iphapanya eona joang, athe Moea oa ka o ka hare le soule ea ka e hlaba mokhosi khahlano le eona?"

A re, "Be, 'na ha ke bue letho khahlano le eona."

¹⁰⁸ Ka re, "U ke ke ua khona. Lenaneo la hao le loheletsoe didolara tse limilione. U tlameha ho fumana didolara tsa bona. 'Na ha ke hloke ho li fumana."

¹⁰⁹ Seo ke se hlokang feela ke Matla a tsoho ea Morena Molimo. Ke phetho seo re se hlokang, Moea. Ho ema holim'a 'Nete! Ha ke tsotelle palo ea mekhatalo e emang khahlano le Lona, E sa ntse e le Lentsoe la Molimo. "Maholimō le lefatše li tla feta; Mantsoe a Ka a ke ke a feta le ka mohla. Ekare e mong ha a tlosa kapa a eketsa letho ho Buka, o tla hlakoloa Bukeng ea Bophelo, le eèna."

Ke Le lumela joalo feela, ka moo 'mapa o e buang. Ke eona, tsela ea Molimo!

Moshe o ne a atetsoe ke lipontšo. O ipakile e le mohlanka oa Molimo.

¹¹⁰ Ka mehla Molimo o rata ho sebetsa ka motho. Lenaneo la Molimo ke ho sebetsa ka motho. Na le lumela seo? [Phutheho e re, "Amen."—Mohl.] Molimo o sebetsa ka motho. O entse motho mothusi oa Hae lefatšeng. O entse motho molimo o ka tlasana ho Eèna.

¹¹¹ Joale re sa tsoa haola ho eona thutong ea rōna, ea Genese 1:26, mohla E neng e le El, Elah, Elohim, ra-bokhoni bohle, ea leng teng ka bokhoni ba Hae. 'Me ka ho Eèna ho ne ho ahile limelo tsa Ntate, Mora, Moea o Halalelang; ha se melimo e merarō, liofisi tse tharō tse leng ka ho Eèna tseo A neng a tla phela ka tsona makhatheng ao. E ne e le Mopholosi, E ne e le Khosi, E ne e le Molimo. Lintho tsena tsohle li ile tsa ikhalimisa. Ke limelo tsa Molimo, ua bona, empa, ka har'a ntho eo, ka ho Eèna tšimolohong.

¹¹² 'Me eare ha Molimo o etsa motho ka setšoantšo sa Oona ka Sebele, O 'mehile molimongoana holim'a lefatše. Jesu o e hhalositse mohla A itseng, "Ha ho a ngoloa na melaong ea lōna, ha thoe le melimo?

"'Me ekare ba bitsitse bao Lentsoe la Molimo le ba fihletseng melimo," bao e ne e le baporofeta, "le Nqosa ka'ng ha Ke Ipitsa Mora oa Molimo?" O boletse joalo. Ua bona? Ba mpa ba sa khone ho e utloisia, ua bona. Empa motho o kile a behoa mona ka borena holim'a lefatše. Tsohle li le tlas'a taolo ea hae.

¹¹³ Seo Adama a lahlehetsoeng ke sona, Jesu O pakile hobane o se buselitse. O emisitse tlhaho. O tsositse bafu. Eèna, O entse ntho e 'ngoe le e 'ngoe. "'Me kajeno lefatše le a feheloa," Bibele e boletse, "ho bona ponahatso ea bara ba Molimo," hore Molimo o boele o kene ka ho bana ba Oona ka linnete, ho etsa lintho 'nete. 'Me taba eo e khopa batho.

¹¹⁴ Haeba Satane a sa khone ho ba thibela 'Nete, o ba fetola mahlanya; ho ba lahlela ka *mona* le ka *mane*, 'me ba fumana lintho tsa mefuta eohle, mali le oli, le maikutlo, athe ha e lumellane le Lengolo.

¹¹⁵ Empa u tsepame holim'a moral! Lula holim'a 'milakhōlo. Lula le Lengolo. U se ke ua Le tlohela. Jesu o tletse morero oo, hore motho a se thetsoe a khelohela lehlakoreng le leng, empa e le ho tsepama holim'a Lentsoe hantle. Santa Pauluse e moholo o boletse, "Ekare ha lengeloi le tsoang Leholidmōng le fihla le le bolella Evangeli e ho sele le ena eo le e boleletsoeng, ho lōna e be thohako." E, monghali.

¹¹⁶ Khele, Satane o theohetse tšimong ea Edene joaloka lengeloi la Leseli, le ho bolella Eva. Khele, ha a—ha a ka a latola, o itse,

“Oh, be, hoo ho itoketse. Oh, ehlile, Molimo o boletse joalo; empa, ua tseba, u tla fumana Leseli le le ngata.” Kajeno re fumana maseli a mangata hakana a Eva, le maseli a Satane, ho bona lintho. ‘Me Bībele e boletse, “Letsatsing la ho qetela, ha thoe, diabolosi o tla iphetola mangeloi a Leseli.” Litumeloana tsena tsohle mona le malumeli a hlophisitsoeng, le bosaoana bona bohle bo tsoeletseng. Etsoe, halofo ea eona e sa tšehetsoe le ke bohashana ba Lengolo, le ka qaphinyana. Ke hantle.

¹¹⁷ Tiisetcta 'milakhōlō. Tiisetcta 'mapa oa tsela. Tsamaea ka tsela ea barutuo, tsamaea ka Lentsoe leo ba le rerileng. Le phele! Le pake, “Kea tseba hore Ke 'Nete!” Lipontšo matsatsing a qetelo, Molimo o phelang ka ho motho. Ke lenaneo la Molimo.

¹¹⁸ Molimo o tlameha ho fumana motho eo O ka mo tsepang, motho eo O ka—O ka mo tsepang; ‘me—’me le eèna a ka tsepa Molimo, ea ka lumelang ho Eèna. Le lumela seo, ha le etse joalo? [Phuthetho e re, “Amen.”—Mohl.] Ehlile. Molimo o tlamehile, ho fumana motho eo O ka behang tsepo Ea Oona ho eèna. ‘Me mohla O fumanang motho ea joalo eo O ka behang tsepo ea Oona ho eèna le Matla a Oona ho eèna, monna ea tlang ho sala tsela morao, ea tlang ho tiisetcta 'mapa hantle, ua bona, ho tsoelapele hofihlela a fihla sebakeng sa Matla. Tumelo e tla mo tataisetcta nthong eo, hobane o na le tumelo Lentsoeng. E tla mo tataisetcta tsepisong, ‘me tsepiso . . . O tla mo tataisetcta Matleng, ‘me Matla a tla mo isa tsepisong. ‘Me e tla re ha a fumana tsepiso ‘me a qala a bonahatsa, hoo ho etsa'ng? E foufatsa mahlo a moena ea sa lumeleng, ea fofo, ea sebeletsang tumeloana. Ke hantle haholo.

¹¹⁹ Ehlile E sebelitse joalo morao mane, morao koana matsatsing a Jesu. O itse, “Holane Ke sa tla, le ka be le sa ka la tseba sebe. Empa joale e re ka ha Ke tlie mona . . .” Amen! “Joale e re ka ha Ke tlie mona, ha le na boitatolo.”

¹²⁰ ‘Me, kajeno, holane Molimo oa etsa tsepiso ea Oona e reng O tla romela Moea o Halalelang matsatsing ana a qetelo le lintho tsena tse neng li tla etsahala, le ka be le e belaetse; empa joale e re ka ha A tlie ‘me E etsoa, lefatše ha le na boitatolo. E thoathoarelitse e phatlalla le sechaba ka morao ho sechaba, ka morao ho sebaka ka morao ho sebaka, ho fihlela E koahetse lefatše. Ke hantle. Ba hloka boitatolo. Ba ka be ba sa E tseba hola Molimo o sa ka oa fihla ‘me oa E hlahisa. Empa O re hlahiselitse Eona joale, ‘me le hona ka linnete, linnete tsa tsa ho sala Lentsoe morao. Ho sala 'Nete morao! Lula ho Eona!

¹²¹ “Oh, ‘na ke kena mona kerekeng ea Baptise,” ba rialo, “re tšoere 'Nete.” Ba-Methodise ba re, “Re tšoere 'Nete.” Joale ke efe? Bobeli ba lōna le fapane, ke efe e tšoereng 'Nete. Ho theohela ho Seventh-day Adventists, “Re tšoere 'Nete.” Ho tšeleta koana ho Church of Christ, “Re tšoere 'Nete.”

¹²² Be, mokhoa oa ho etsa 'Nete o mong, 'ona, ke ho tiisetcta Lentsoe. Motho o fapohile Lentsoe nq'a e 'ngoe. Ba tšoere

karloana ea 'Nete, ebe moo ba tlohang 'me ba hloma letšoao la ho Le fapoha. Ba kena 'milakhōlōng, 'me ba ntso fapoha. Tiisetsa Lentsoe!

¹²³ Ak'o bue le bona ka kolobetso ka Lebitso la Jesu Kreste. "Oh, ha e etse phapang ea letho."

¹²⁴ Ehlide e etsa phapang! Pauluse o boletse a laetse batho ho kolobetsoa hape ka Lebitso la Jesu Kreste. O itse, "E ka re ha Lengeloi le bolela hofe ho sele, le rohakoe." Ehlide e etsa phapang!

¹²⁵ Holane Moshe a itse, "Ke tla mpe ke role... Ke tla mpe ke role katiba ea ka sebakeng sa lieta tsa ka. Ho thata ho lokolla lieta tsa ka, ke tla mpe ke role katiba ea ka ho bontša hlompho"? Molimo o itse, "Lieta!" 'Me Molimo o batla lieta, e seng katiba; lieta, seo A se boletseng.

¹²⁶ Molimo o laela Lentsoe le leng le le leng la Oona ho phethisoa ho fihla mokong. Le loketse joalo. U tšoanelo ho etsa seo A u laelang ho se etsa, hoba ha ho tot e le 'ngoe kapa jittle e le 'ngoe e tla feta ho Lona le ka mohla. "Maholimō le lefatše li tla feta, ha e le Mantsoe a Ka a ke ke a hloleha le ka mohla." Le tlameha ho lula. E le 'ngoe, ha ho iota e le 'ngoe kapa taetlele e tla feta ho Lona, ntho eohle E tlameha ho phetisoa.

¹²⁷ 'Me, joale, motho e ne e le mosebeletsi oa Molimo. Motho ke sona seo Molimo o sebetsang ka sona.

¹²⁸ 'Me mohla motho a amohelang 'Nete, a kena 'milakhōlōng o lokileng 'me a qala a tsoelapele, 'me afumana linnete tsena, ho tsoelapele, ebe hoo ho etsa'ng? Moena ea sa lumeleng, o tla mo sheba, e ka re o... Eèna, ha a khone ho Le amohela. Haeba a etsa joalo, o tlameha ho tlohela kereke ea hae. Haeba a tlohela kereke ea hae, o ema a le mong.

¹²⁹ Moreri o mpooletse, hantle ka morao ho potsisiso eo holimō mane, moreri o boletse, "Shebang mona!"

¹³⁰ Ke buile le bona kalaneng, ka re, "Haeba ke fositse hakaalo, mona ho lutse makholo a bareri, motho a tle a nthute se lokileng." Ha u a bona motho ea tileng, na le 'mone? 'Me ha le sa tla 'mona, hobane ha e eo mono.

¹³¹ Moreri e mong, moreri ea tsoileng ka mahetla, nke ke ka 'mitsa ka lebitso. Ke moena ea khabane. O tlie, a re, "Moena Branham, ho latela bosebeletsi ba hao, ehlide, u ka tsoelapele ua etsa hoo. Empa haeba re amohela Hoo, haeba re amohela Hoo, kereke ea rōna e re latolela, re ka ea kae?"

¹³² Ka re, "E-ea Setšabelong se tletseng bokhoni-bohle, Kreste Jesu! Ke hona moo u eang teng. E-ea ho Kreste."

"Be," a re, "empa u re'ng ka bosebeletsi ba rōna?"

¹³³ Ka re, "Bosebeletsi ba hao bo itšoanelo le bosebeletsi ba motho ofe, haeba e le ba Kreste, ha ho tsotellehe moo u tlamehang ho ea teng."

¹³⁴ Ha thoe, “Be, ha nka kolobetsa joalo, ba ka nkharameletsa ka ntle ho kereke ea ka.”

Ka re, “Le ’na ba ne ba nketse joalo. Ka hona e etsa phapang efe?”

¹³⁵ Tiisetsha ’milakhōlō. Latèla moralo oa polane. Ruri, lula u E tiiselitse, ho sa tsottelehe seo ba se tšoereng.

¹³⁶ Saule o ne a koetlisitse sesole. Saule o ne a thotse sesolehalı se bohlajana. Bao, ba ne ba sa batle Samuele; ka moo ke rerileng nakoana e fetileng mona, nq’ a e ’ngoe. Ba ne ba thotse sesole se seholo. Oh, ehlile! Sa- . . . ’Me Samuele o ba boleletse, o ile a ba nyolla pele ba khetha khosi ena. Molimo e ne e le Khosi ea bona.

¹³⁷ ’Me Molimo ke Khosi ea rōna! Hobaneng re batla letho le sele kathoko ho Molimo? Hobane’ng Mokreste a ka batla ho etelloa pele ke letho ha e se Moea o Halalelang? Ha ke tsebe. Ha ke khone ho utloisia.

¹³⁸ ’Me Samuele o ba bitsitse. O itse, “Ke batla ho le bolella taba.” Ho re, “Na nkile ka le bolella taba, e sa kang ea hlaha ka Lebitso la Morena?”

“Che.”

¹³⁹ “Na nkile ka le hlotha chelete? Na nkile ka le qela chelete?”

¹⁴⁰ “Che, ha u e-so re qele chelete. ’Me seo u se buileng, Morena o se phethisitse. Re tseba seo.”

¹⁴¹ A re, “Joale hore’ng le lahla Molimo, le ipatlela khosi? Le batla ho itšoantsisa le lefatše.”

¹⁴² ’Me Pentekosta e etsa hona hoo kajeno. E batla ho cheta liqhobane tse kelello. E batla ho ntša Matla Kerekeng. E batla ho holisa bolumeli bo hlophiloeng, ho kenya litho tse ngata. Ao ke matlakala! ’Me ha u tlamella motho ho tumeloana, ha u etsa joalo, u tlosa Moea o Halalelang ho eèena. O tla tlameha ho nehela nq’ a e ’ngoe. Moea o Halalelang o tla tsoelapele; motho eo a ke ke a khona, ka lebaka leo, la tumeloana ea hae. Joale o itse . . .

¹⁴³ ’Me eaba, ehlile, Saule ke ha a koetlisitse sesole sa hae. Oh, banna. A rupeletse ba-Israele bao maqiti ’ohle ho qhela lerumo, kapa ho etsa eng le eng. Empa tsatsi le leng ha hlaha moqholostsi, mokaubere Goliath. ’Me, moena, e hlokile ho fetisang thupello ea hlalefo.

¹⁴⁴ E hlokile monna ea tsebang ho hong ka mohlolo o holim’ a tlholeho. Empa Molimo o no o ipoloketse monna ea joalo. Ho lebohuoe Morena ka hoo. Esale Molimo o ipoloketse mang-mang. O entse joalo ka mehla. O ne a ipoloketse monna eo A ka behang matsoho a Hae holim’ a hae. Leqaqanyana le le khubetsoana la mothaka oa khale kantle mane, a se mokaalo, feela a nyolohela mono ’me a re, “Le re le tla tlöhela leqai leo la Moflista ho ’na le silafatsa lebotho?” ’Me moholo Saule a le teng mono, a qatsohile

hlooho ka mahetla holim'a bona bohole. Thupello ea hae eohle ea bohlalefi ha ea thusa letho.

¹⁴⁵ Joale likereke li entse hona hoo. Li furaletse Moea o Halalelang. Li furaletse Matla a Molimo. Li furaletse boetelli ba Moea. 'Me re tšoere... Re tšoere bara ba—ba Kishe, le rōna. Re sa tšoa nehela e mong oa liqhobane tsa rōna tsatsi le leng, koana mona Afrika, ea qhololitsoeng ke Leselamose, ka Lengolo. Ha etsahala'ng? O habotse metsi sa mora e mong oa Kishe; ha se ho hlompholla moena oa rōna.

¹⁴⁶ Feela ba ne ba ipoloketse monna ea tsebileng hobane Molimo o ka loela. Ba laelitse Davida mothoana oa khale holimō mono, 'me o itse, "Ha ke tsebe letho ka marumo a lōna, thupello ea bohlalefi ba lōna. Feela ke tseba ho le hong. Ke tseba ho le hong, nkile ka sala nku e phamatsoeng ke sera. Uh-huh. Uh-huh. Molimo oa ntumella ho li busetsa." A re, "O tla nthusa hakaale ka'ng, a be a ntumele, ho busa Moflista enoa oa leqai!"

¹⁴⁷ Seo re se hlokang kajeno ke banna le basali ba batlang bonnate. Alleluia! E seng tumeloana; bonnate, lefatše le hloka hona hoo kajeno! E seng tumeloana le lifeshene; re hloka linnete ho Molimo! Lefatše ha le batle Hoo. Lefatše ha le batle Hoo. Ba ke ke ba khona, ha ba batle ho E amohela. Empa Kereke e tlameha ho E fumana. Molimo o batla hore le E fumane. Ke Molimo oa linnete. E, monghali.

¹⁴⁸ Bosiu bo bong, ke ne ke etile le metsoalle e leng teng hona joale, sehlopha sa bona, ka ntle mona ho bona ntho ena, ntho ena ea *Samsone le Delila*, e leng sehlahisoa sa Cecil B. DeMille. Ke ne ke utloetse haholo ka eona. Ka hopola ho tsoa, ho bona ka moo e shebehang. Eitse ha ke e bona, ka qala ka ipotsa seo Molimo o kileng oa se bona ho mothaka ea kang Samsone, litšiung tsa baahloli.

¹⁴⁹ Ua bona, Molimo o sebelisa motho. Na le lumela seo? Empa A ka khona feela... A ka sebelisa motho feela mohla A ka fumanang motho, mohla A ka fumanang motho eo A ka mo sebelisang. Ho ne ho hlahile sesene litšiung tsa baahloli, O ne a sa khone ho fumana motho. A ka etsa ho le hong feela e leng ho hlahisa e mong, e be o khelohela nq'a e itseng; ho ntano hlahisoa e mong, ebe o khelohela nq'a e 'ngoe. A sa fumane mang eo A ka behang tšepo e tletseng ho eëna.

¹⁵⁰ 'Me eaba kea ipotsa, ebe O bone'ng ho Samsone enoa? Samsone a itšoanela le baetapele ba rōna ba bangata kajeno, monna oa basali, a ba lelekisa ho tloha sebakeng ho ea sebakeng, a setse basali morao. Joaloka boholo ba baetapele ba rōna kajeno, joaloka ba bongata bo qekisang ka Lentsoe, ho lumella mosali ho laola, ho beha bareri le lintho tse kang tseo. Oh, mohau!

¹⁵¹ Ke batla monna ea ka hlahisang Lengolo la moreri oa mosali. Nka u pakela hobane ka Testamenteng ea Khale, joaloka ha

Pauluse a bolela, "Joaloka ha Molao le 'ona o bolela." Ke ne ke shebile likronike tsa Testamente ea Khale, maobane, 'me ke ba pitlide ba laelitse lepolesa le ikhethang, ho thibela mosali ho kena lebaleng la bobeli kapa la borarō, ha ke sa bua ka sefala. Ba ne ba laetsa lepolesa le ikhethang ka har'a Tempele, ho thibella ba-Lichaba ka ntle mono, le basali khetlo le latēlang, ho ntano kena ba-Levi, e ntano ba Sehalaleliso. Ba ne ba sa khone le ho fihla mabaleng a bobeli. Ke hantle haholo. 'Me kajeno re fetotse basali melingoana ea rōna ea bohata. Boholo ba baetapele ba rōna bo lumella ho eko a ke basali ba batle le lintho tse kang tseo, ho lumella botle ba e—e mosali oa moea, e leng kereke.

¹⁵² Ua tseba, mosali ke papiso ea Kereke. Rōna re Monyaluo. Kereke ke Monyaluo.

¹⁵³ Ho na le banyaluoa ba bangata. 'Me ba lumella ho eko a ke basali bao. Bareri ba kajeno ba lumella likereke tseo ho ba hulela hole le 'Nete. 'Me ebe o etsa'ng? O kuta moriri oa e motona, o kuta matla a e motona, o etsa ka boithatelo ba hae.

¹⁵⁴ Hase taba khahlano le likhaiseli tsa ka. Hola Molimo o be o ka neha monna ho molemo ho fetisa mosali, O ka be o mo file hona.

¹⁵⁵ Empa basali bohole ha se mafumahali, ha se basali bohole ba joalo. Ha se bohole ba batšeali e leng bommè. Ha se bohole ba nang le bana e leng bommè. Ke bone ba hlomphang ntja ho feta; ba nka bana ba bona ba beha ka ntle seterateng, le ho ba ala. Batho ba tsoang ba apere liaparoana tsena tsa khale, 'me ba apere ka mokhoa o hananang le boithhompho.

¹⁵⁶ Ke bone banna ba theohang seterata, maobane. E le ha ke theohela motseng ka lebaka la horeng, teng ka bona monna ka morao ho monna, ba tsamaea seterateng, le mohatsa'e e mocha e motle, a apere liaparoana tsa khale, tse tšabehang. Eo ha se monna; ke 'memme. Motho mang ea lumellang mosali oa hae ho apara joalo, ha ho monna ea mokaalo mono. Oh, koana a ka ba litšika, ka mokhoa oo; seo ke sebata, ke phoofolo.

¹⁵⁷ *Monna* ke "boitšoaro." Jesu, Monna e moholohali ea kileng a phela, E ne e le seeshana sa mothoana, "ha ho botle boo re khahlisoang ke bona ho Eèna," empa ha ho semelo se kileng sa hlahiisetsoa lefatše se tšoanang le Jesu Kreste.

¹⁵⁸ Ke bone banna, ba boima ba dipondo tse makholo a mabeli le mashome a mahlano, ba se nang le bohashana ba ounse ea monna ka ho bona. Ha re fihla ho . . . [Sekheo lebanteng—Mohl.] . . . matla a sa lekaneng le a pere. Ka linako tse ling ha ba na le kelello ea pere, ka hona, kelello ea pere ka lintho. Pere e tseba hantle ho feta. Joale, hoo ke 'nete. Joale, ak'o leke e re pere e tona e leke ho rusulla e tšeali, le fumane se etsahalang. Kelello ea pere e betere ho feta. Ua bona? 'Me monna ha a na kelello e lekanang le ea pere, bophelong ba lintho tse ngata.

¹⁵⁹ Kanthebo re bitsa kolobe ea motsoetse, re e bitsa kolobehali, le ntja ea khale e tshali, nyalasi. Koana basali ba bangata bana ba lifahleho li ntle litokolohong ena ba tlase, mahlong a Molimo, makhetlo a limilione tse leshome, ho feta tshali eo ea khale ea ntja kapa motsoetse oa kolobe. Ke hantle haholo!

¹⁶⁰ E utloahala e bataletse, lebaka leo batho ba sa E batleng. Ke hona mohla Jesu a neng a ba bolella 'Nete, ba Mo furaletse. Empa hora e tlie, le joale e se e tlie, eo ka eona Ntate a batlang ntho e ka Mo rapelang ka Moea, le ho tsamaea ka Moea, le ho phela ka Moea, le ho bolela 'Nete.

¹⁶¹ Ka mehla 'Nete, e a lokolla, kapa e a tlama. Haeba u tlamiloe, ha u a lokoloha. Haeba u lokolohile, u ne u sa tl'o phela ka mokhoa oo.

¹⁶² U re, "Be, ke na le Moea o Halalelang," athe u ntse u phela ka mokhoa oa hao? Ntho e u hlahetse. Ha u fumana Moea o Halalelang o theohileng ka Letsatsi la Pentekosta; O u entse ka ho fapano.

¹⁶³ "Ha ke lumele ho bua ka lipuo. Ha ke lumele pholiso e Mokhethoa. Ha ke lumele lintho tse ling tsena." E tla ba ha u a fumana Moea o Halalelang o theohileng ka Pentekosta. Ehlide ha u a khona!

¹⁶⁴ U kolobelitsoe joang? "'Na ke kolobelitsoe!" Joang, ka lebitso la Ntate, Mora, Moea o Halalelang? Ha ho makatse u itšoere ka mokhoa oa hao! Ua bona?

¹⁶⁵ Pauluse o itse, "'Na le amohetse Moea o Halalelang ho tloha le lumetse?"

¹⁶⁶ Ba itse, "Rōna re se re lumetse. Re ma-Baptise." Liketso 19, bonang haeba ho se joalo. "Rōna re ma-Mabaptise! Re kolobeletsoe ho Johanne," o—o itse, "eēna monna ea kolobelitseng Jesu."

¹⁶⁷ O itse, "Taba eo e ke ke ea sebetsa." Ha thoe, "Le tlameha ho tla tha kolobetsoa hape, haeba le batla ho fumana Moea o Halalelang le ka mohla. Le ka fumana ntho e tšoanang le Oona, ntho e O etsisang, nakoana; empa ha se Ntho ea makhonthe, hobane, le tlameha ho tla tha kolobetsoa ka Lebitso la Jesu Kreste." 'Me hoba ba etse hoo, a ba beha matsoho, 'me eaba Moea o Halalelang o theohela holim'a bona. Ba hopotse ba ne ba O fumane.

¹⁶⁸ 'Me ke batla ho tseba, moena enoa ea ka har'a kereke mona, e bang e ne e kae, o boletse se-Gerike sa mantlha se sa rialo; "u amohela Moea o Halalelang *mohla* u lumelang," u boletse se-Gerike se itsalo. Ke batla ho u tsebisa hore taba eo e phoso. Eo ke phoso; esita le se-Gerike, esita le se-Heberu, kapa esita le se-Aramiki. E itse, "'Na le amohetse Moea o Halalelang ho *tloha* le lumetse?" E seng, *mohla* le lumelang. Ka baka leo motho ea buileng taba eo, u mpa u sa tsebe seo u se buang, moena. Ua

bona? Che, monghali. U amohela Moea o Halalelang “ka morao” hoba u lumele, e seng *mohla* u lumelang.

¹⁶⁹ Moea o Halalelang ke neo ea Molimo, e theohelang holim’ a hao, e u fetolang e u fapanya le seo lefatše le leng sona le seo batho ba bang ba leng sona. U fapane! Bao... Ha u a tlameha ho apara ka ho fapana, ha u a tlameha ho khoesa k’holoro e khilikoe le seaparo se se lelele. U phela ka ho fapana. U itšoara ka ho fapana. Matla a Molimo a na le uena. Batho ba tseba, u tšoailoe hohle moo u eang teng. Ke hantle. Molimo o tseba ba Hae. O tšoaea ba Hae. Ke eona. Empa u tšoanelia ho tla ’Neteng. Ua bona.

¹⁷⁰ Ka har’ a Samsone eo e ne e le eng? Molelekisa mosali? Ehlide. O ne a khohlahetse, a sa utloë ntat’ae le ’mè oa hae. Ba mo hanetse ho theohela mono le mosali eo, Jesebele eo, empa o hanne ho ba utloa. E ne e le eng? Samsone o ne a ruile matla. Joale mamelang. Samsone o ne a ikemiselimse ho tèla matla hae. Samsone o nehile Molimo matla a hae, empa pelō ea hae o e nehile Delila.

¹⁷¹ ’Me le kajeno ho a tšoana. Joale, banna ba bangata ba tloha ba ea seminareng ho ithuta, oh, seqhobane se kelello, se ithuta se-Gerike sohle le ntho eohle ese; empa, ha ho fihloa ’Neteng, o neha Morena matla a thuto ea hae, e, empa pelō ea hae o e neha kereke, ’me e seng Molimo. Ke bona bothata ba batho kajeno, ba batla ho sala litumeloana tsa bona morao.

¹⁷² Ha ba batle bonneta ba Moea o Halalelang. Ha ba batle ho itšoara ba fapane le boitšoaro ba bona ba ka mehla. Empa ha u fetoha Mokreste, u mokhelo oa motho, moprista oa boreneng, sechaba se khethelileng, mesollane ea batho, ba etsang lintho tse mekhelo le tse fapohileng, tse sa tšoanelehang ho lefatše. ’Me ha u le lefatšeng, ha u tšoanelehe ho Molimo. E ’ngoe e furalane le e ’ngoe. Ka e ’ngoe u etsisa bao ba Leholimōng, ka e ’ngoe u etsitsa bao ba lefatšeng.

¹⁷³ ’Me batho ba batla ho tšoantsisa le bao ba lefatšeng, le ho tsoelapele ba re ba ea Leholimōng, empa masoabi a tla ba maholo. Jesu o boletse, “Ke moo ba bangata ba tlang ho tla ho ’Na, ka letsatsi lela. Ba tla ema ka mashome a limilione, ’me ho thoe, ‘Ke setho sa *sena*, ’me ke entse *sena*.’” O boletse, “Tlohang ho ’Na, lōna ba sebetsang bokhopo. Le sebelelitse litumeloana tsa lōna.”

¹⁷⁴ Haeba u ne u tsamaisoa ke Moea! Bara bohole le barali ba Molimo ba tsamaisoa ke Moea oa Molimo. Ba tsamaisoa ke Moea, mekhelo, ba makatsang. Ba tsepama hantle, ’me motsamao ’ohle o nyallana le Bibele. Empa ba tsepama, thuto eohle ea bona e khema le Bibele. Ba ke ke ba fapoha ntho le e ’ngoe. Moo Bibele e e bolelang, ba kena ho eona hantle. Haeba ba ema motsotso, ba ntse ba leka ho ithuta le ho bona hore ba khethet selia efe; ebe moo Moea o Halalelang o e senolang, ’me ebe o kena hantle.

'Me o etsa hona hoo, o sala litaelo tseo morao, ho beha motheo o tšoanang, Molimo o tšoanang o theohela holim'a hae, le mehlolo e tšoanang, le mehlolo e tšoanang, 'me lipontšo tse tšoanang li mo sala morao, tse kileng tsa Mo latèla.

¹⁷⁵ O itse, "Ekare ha le sa lumele ho 'Na, 'na Motho, le mpe le lumele mesebetsi eo Ke e etsang. Le lumele ho 'Na. Ekare ha Ke sa etse mesebetsi ea Ntate oa Ka, le se ke la lumela ho 'Na." Lea bona, e teng mesebetsi e tsamaeang le tumelo ena. "Ak'o mpontše mesebetsi ea hao (ka ea hao) tumelo e le sieo, 'na ke tla u bontša mesebetsi ea ka ka tumelo ea ka," Pauluse o boletse joalo. Ua bona?

¹⁷⁶ Joale, ka ho Samsone e ne e le eng? O ne a sa batle ho nehela pelō ea hae.

¹⁷⁷ Kajeno, banna ba nahana ka litumeloana tsa bona ho feta . . . 'me batho ba nahana haholo ka litumeloana tsa bona. Be, joale, ha ke bue letho khahano le likereke.

¹⁷⁸ Ke bua ka mapentekosta! Etsoe, ebile kereke ena e sekametse ho pentekosta. Ha se mokhatlo oa Pentekosta. Ha re litho tsa mokhatlo ofe, ha rea ikemisetsa hona. Re litho tsa Kreste. Ke hantle. Ebile, joale, pentekosta ha se mokhatlo. Pentekosta ke boiphihlelo boo batho ba bo amohelang. Ba-Methodise ba Bo amohetse. Katolike e a Bo amohela. Ma-Baptise a Bo amohela. Motho mang le mang a ka Bo amohela, empa ke boiphihlelo.

¹⁷⁹ 'Me likereke li teng tse baloang ka likete, tse ipitsang, "pentekosta," athe ha li tsebe le molaetsa oa pele oa pentekosta. Pele u ka qala hantle, u lokela ho ema holim'a motheo o lokileng. U lokela ho ema holim'a motheo oa pentekosta. Motheo oa pentekosta ke ofe?

¹⁸⁰ Mohla hlomamiso ea Kereke ka Letsatsi la Pentekosta, mohla ba ba boneng ba bua ka lipuo, le Maria movirigo ka ntle mono a itšoere eka hojane a tahiloe, le ba bang bohle ba thekesela hohle ka tsela eo, ba itse, "Eng? Ke eng, see? Na bana bohle ba tahiloe?"

¹⁸¹ Petrose o itse, "Bana ha ba tahoia, joalo ka ha le lekanya, etsoe e sa le hora ea borarō ea letsatsi. Ena ke taba eane e boletsoeng ka har'a . . . holim'a moralo, morao mane holim'a 'mapa oa tsela. Ena ke taba eane e boletsoeng ke 'mapa oa tsela. Joele o boletse re tla fihla nqalang ena, re tla fihla mateanong ana, 'Koana matsatsing a ho qetela, matsatsing a mabeli a ho qetela, lilemo tsa ho qetela tse likete li peli, ho itsalo ke Molimo, Ke tla tšela nama eohle ka Moea oa Ka. Ho be ho porofete bara ba lōna le barali ba lōna, le holim'a bahlanka ba ka le makhabunyane, bara ba lōna ba bacha ba tla bona lipono, magheku a lōna a lore litoro. Ke tla etsa mehlolo le meeka holimō maholimōng, le lintho tse joalo."

Ba itse, "Re tla etsa joang ho fumana See?"

¹⁸² U tlil'o beha motheo oa mofuta mong, Petrose? U tšoere linotlolo tsa Leholimō. O itse, "Bakang, e mong le e mong oa lōna, 'me le kolobeletsoe ka Lebitso la Jesu Kreste tšoareleng ea libe tsa lōna, 'me le tla amohela 'ona Moea o Halalelang. Pallo ena e etselitsoe moloko o mong le o mong o tla latèla, ho bana ba lōna, le ho ba leng hole kaofela, bao Morena Molimo oa rōna a tlang ho ba bitsa." Ke oo motheo.

¹⁸³ Ua bona, ba—ba tla fihla 'me ba nehelane ka ling tsa bona—tsa bona... Ba tla ea ho... Ba tla ea sekolong. Bashanyana ba tla ea sekolong, ho ithutela ho ba moreri. Etsoe ho itoketse, ha ho letho khahlano le eona, ho ithutela ho ba moreri; empa, u ke ke ua ithutela ho ba moreri, moreri ke neo e tsoang ho Molimo. Baapostola bao ba ne ba le bohlale 'me ba hlile ba rutehile ka moo ba ka khonang, le joale Jesu... Eèna... Ba ne ba se joalo. Empa le joale O ba hanetse ho rera ho fihlela ba amohetse Moea o Halalelang. 'Me eitse ha ba amohela Moea o Halalelang... Joale, haeba u e-ea seminareng, 'me boiphihlelo boo ba bo amohetseng ka Pentekosta bo theohela holim'a hao, amen. Empa haeba u hlaha ka likutloisiso tsa hlalefo feela 'me, oh, setsebi sa se-Gerike le setsebi sa art, le lintho tsena tsohle tse fapaneng, e—e Bachelor Degree, le lintho tse ling tsena. Haeba u bitoha ka digarata tseo, u mpa u nehelana ka matla a thuto ea hao. U batla ho neha Molimo pelō ea hao. Molimo o batla pelō ea hao. E, monghali. O ile a nehelana ka matla a hae, e seng pelō ea hae. E, monghali.

Molimo o ka sebelisa seo re Mo nehelang sona feela.

¹⁸⁴ Joale ba bangata ba tlang ho re, "Ke tla nehela metsotso e leshome le metso e mehlano ka Sontaha hoseng haeba e... Haeba u rera halelele ho feta moo, ke tla mpe, ke tlameha ho ema ke ee hae." Be, u fumana metsotso e leshome le metso e mehlano ka Sontaha hoseng. Hmmph! Ke seo u se nehelang Molimo. Ba bang ba bona ba itse, "Koana nka mamella halofo ea hora. Ha ke tsebe hore ke tla khona joang." Be, ua bona, ke sona seo u se fumanang, metsotso e leshome le metso e mehlano, halofo ea hora. Ua bona?

¹⁸⁵ U nehela eng? Molimo o tla amohela seo u eeng u nehelane ka sona, empa Molimo o u batla kaofela. O batla karoloana e 'ngoe le e 'ngoe ea hao. O batla sohle. O batla sohle seo u leng sona. O batla bophelo ba hao. O batla bopaki ba hao. O batla metsotso o mong le o mong oa bophelo ba hao. O batla hore u phele hantle, ho itšoara hantle, ho bua hantle, ho etsa ho lokileng. O batla sohle se nehetsoe Eèna ka ho phethahala, hore A tle a u tsamaise le ho u etella pele, le ho u beha libakeng moo A batlang hore u ee teng. Ho tsamaisoa ke Moea!

¹⁸⁶ Empa kajeno batho ba re, "Joale bea butle metsotso, haeba therò ea molisa oa ka e tlola metsotso e mashome a mabeli!"

¹⁸⁷ Ke utloile khafetsa. Ke bone balisa ba lokileng ba lelekaoa likerekeng, hobane lekhotla la batikone le itse, "Joale sheba

mona, moruti, re u hiretse ho tla koano. 'Me mona ha rea u hirela ho tla re phatlola hoseng hohle. Re u batla, re—re behile nako ea metsotso e mashome a mabeli; tleloko e a lla, 'me u mpe u qete!"'

¹⁸⁸ Ua tseba, e ka re nka—nka—nka fumana kereke e joalo hang. Nka rata ho fumana monyetla oa ho ba bolella seo ke se nahananang ka bona le seo Lentsoe le se buang ka bona. Yaa. Khele, leha e ka qeta letšehare lohle, lula u ntse u rera feela. Yaa. Molimo o batla boinehelo bo tletseng. Na le lumela seo? [Phutheh e re, "Amen."—Mohl.] Molimo o batla boinehelo. Ebe Molimo a ka u bontša linnete joang pele u inehela ho Eèna? U tlameha ho inehela. Mamela.

¹⁸⁹ Ha u inehela tsohle! Le bina sefela seo, "*Kea inehela, ke nehela tsohle.*" U re'ng ka lisakrete tseo? U re'ng ka moaparo oo? U re'ng ka mabifi ao? U re'ng ka lintho tse ling tseo tse khemang le eona? U re'ng ka boitšoaronyana boo ba hao? U re'ng ka mohopoloana oo o hlekemaneng? U re'ng ka ho khalema mang le mang ea kolobetsang ka Lebitso la Jesu?

¹⁹⁰ Athé, ha u fumane sebaka Bibeleng moo mang a kileng a kolobetsoa ka tsela efe. Ke phepetsa mang le mang ho mpontša motho ofe, nakong efe ka ntle ho kereke ea Katolike mohla ba neng ba qala lilemo tse makholo a mararo ka morao ho lefu la moapostola oa ho qetela, moo motho mang a kileng a sebelisa lebitso la "Ntate, Mora, le Moea o Halalelang" kolobetsong. Tloong le mpontše Lengolo kapa histori. Ke tumeloana ea Katolike! Ha se Protestanta. Joale, nka u supisa Bibeleng moo Bibe e ba boletseng esale pele hore ba tla sebelisa Lebitso la Hae ho fihlela nakong eo, 'me ba tsoe ka lebitso la bohata ba re ba ea "phela," kanthe—kanthe ba shoele. Nka u bontša eona ka Lengolo. Bibe e ba boletse joalo.

¹⁹¹ Ke ena E hlahisoa phatlalatsa ka pel'a sefahleho sa bona, hobane'ng ba sa E amohele? Joalo ka ha ba entse matsatsing a Jesu. Ha ba batle linnete. Ba batla tumeloana. Ba batla ntho eo, ho feta, ho thoe, "Ke setho sa sebaka *sena*. Ke setho sa phutheho *ena*. Ke setho!" Eng?

¹⁹² U batla ho ba setho sa Leholimō! Ke hona moo litabatabelo tsa hao li loketseng ho ba hona teng, linthong tse holimō. Jesu o itse, "Le rate lintho tse holimō, e seng linthong tsa lefatše. Li tla hlolleha." Lula le Molimo. Lula le linnete. Molimo ke Molimo oa bonnete. Esale A le teng, mengoaheng eohle. Nakong efe eo motho a tsamaileng le Molimo, Molimo e bile bonnete bo entseng mehlolo le meeka le lipontšo 'moho le batho ba Oona. Ke morero oa Molimo ho etsa joalo. Nehela tsohle.

¹⁹³ Hantle mona Louisville, Kentucky, nakoana e fetileng, ho kile ha phela lelapa la batho ba lokileng haholo. Lesea la bona le kula. Eaba ba lets a hore le rapelloe. Ngaka e ile ea tsoa kokelong. "'Me ho etsahalang ka lesea?"

¹⁹⁴ A re, "Lesea leo le a shoa. Ha ho letho le ka hlolang le etsetsoa lona." Ho re, "Le tšoeroe ke leukemia." Ho re, "Lesea le tlameha ho shoa."

¹⁹⁵ Ho nahana, "Oho Molimo, ha U e-so bué taba eo joale. Ha U e-so pake taba eo le ka mohla." Ho tloha ho ea qoqa le batsoali, 'me batsoali ba ntse ba lla 'me ba habea. Lesea la bona—la bona—la bona le hlokahetse, ho latèla tsebo ea bona. Empa eaba ba etsa'ng?

¹⁹⁶ Ngaka e ne e nèpile. Èèna, sohle seo a tsebileng ho se etsa, a se entse. Leukemia ke 'molai, 'me ha e emisoe ke letho. Ho re, "Lesea le tla shoa."

¹⁹⁷ Ntatemoholo oa lesea leo. Bohle le tseba taba eo. 'Me eaba ho fihla ntatemoholo oa lesea leo. Mohla a neng a nkutloa ke bua ka kolobetso ea Moea o Halalelang, a re, "Ke sa hopola lilemo tse ngata tse fetileng, mohla moreri e mong a reng nako ea tla eo batho ba tla boela ba amohela Moea o Halalelang, 'me ho tla etsoa mehlolo le meeka." A tloha a kena phaposing e nyenyane a inotši. A sa batle ho lula le mora oa hae kapa ngoetsi ea hae. A lula ka mono, a lla 'me a rapela. Mohla mótsöfe eo a neng a tsoa ka mono, mofufutso o thunya hloohong ea hae e lefatla, mahlo a hae e phatsima. O ile a re, "Lesea leo le tla phela."

Ho re, "Eng?"

¹⁹⁸ A re, "Ngaka, ke u hlompha joaloka—joaloka monna oa mahlale a saense. Ke hlompha le bohlale ba hao boo u ithutileng bona mabapi le lipatlisiso tsa bongaka ba meriana. Empa," ho re, "Ke rapetse 'me ka rapela, 'me ka rapela ho fihlela ke tèla ntho e 'ngoe le e 'ngoe eo ke tlamehang ho e tèla, 'me Moea o Halalelang o itse, 'Lesea le tla phela.'" Le ile la etsa joalo. Hobaneng? A nehela sohle seo a neng a se ruile.

¹⁹⁹ Molimo oa mo tšoara 'me oa khona ho buisana le èèna, mohla a neng a ikemiselitse ho tèla tsohle. Ke sona seo re haelloang ke sona. Ha le batle ho tèla litsela tsa lôna. Ha le batle ho tèla lisosaiti tsa lôna. Ha u batle ho tèla lemuloana la hao. Ha u batle ho tèla nako efe ea hao, u tlameha ho etsa *sena*, *same*, kapa se *seng*, sebakeng sa ho rapela. Ha u batle ho tèlla Molimo lintho. Molimo o batla hore u inehèle! Ho koaleng, ke batla ho bua sena. Lintho tseo nka li buang li ngata mona, empa ha ke na nako. Molimo o batla boinehelo bo tletseng. Ha u tèla ntho eohle, u tla fumana seo ke se bolelang e le 'Nete.

²⁰⁰ 'Me u re, "Ba tla ntšetsa ka ntle ho kereke ea hesō. Ba ke ke ba ntumella ho rera." E etsa phapang efe? Oo ke mokhatlo oa mahlale a saense. Seo re buang ka sona, ke ho tsamaea ka Moea. Molimo ke bonnête.

²⁰¹ Holane Moshe a itse, "Joale bea butle. Ke ithutile maqiti ana 'ohle, boselamose, le lintho tse joalo, koana Egepeta. Nka ruta Baegepeta bao maqiti a linthoana—linthoana—linthoana. Nka ba ruta saek'holozi. Nka ba ruta likakanyo tsa—tsa lintho tse ngata.

'Na ke sehloho sa tsona"? Empa a tlameha ho tèla sohle seo a se tsebileng. 'Me eaba Molimo o fothola ntho eohle ho eèna feela; Oa nka lilemo tse mashome a mane ho e phethisa. Empa mohla a kopanang le Molimo, lifahleho li talimane, o tsebile Molimo o phelang o le teng. O 'Mone sehlahleng se tukang, 'me o qoqile le Eèna. A theoha eaba o phethisa mosebetsi ka sebele sa hae, a sa tlameha ho hlomela ka sesole. O ile a theoha, e le eèna le Molimo ba inotši. A sala 'mapa morao. A fuoe matla a Molimo. A tšoere tsepiso ea Molimo. A apere Moea oa Molimo. A sa hloke likakanyo tsa hae kapa thuto ea hae.

²⁰² Jesu mehleng ea hae mona holim'a lefatše, O ne a tlamehe ho tsoma joalo, hape, ho fumana monna. A nyolohela ho ba liphahameng, barutehi le bahlalefi, ana O khonne ho fumana motho mang? Che, monghali. Ba Mo bitsitse, "Belsebule, devele." Ha A fumana e mong ea ka Mo salang morao. Eaba O etsa'ng? O ne a tlameha ho fumana ea khabane ka ho fetisa eo A ka mo fumanang. Na ha se taba e haulang eo?

²⁰³ Ke nahanne taba ena khafetsa. 'Me rea koala, kereké, mamelang litlhahiso. Ke ipotsitse khafetsa, sesosa, lebaka, ka moo re itimileng kateng, kamoo re khotolitseng Molimo leano la Oona, ka ho se phetise, ho Mo tèlla maphelo a rōna ka botlalo, sohle seo re se tšoereng, ho Eèna. Ka moo re—re hanetseng lenaneo la Oona—Oona. Re lika-lika halelele, rea Mo emisa ebile rea Mo emisa, le ho ema, ho leka ho fumana motho eo A ka sebetsang ka eèna, ho leka ho fumana motho eo A ka mo tšepang nq'a e 'ngoe, motho ea ka tèlang tsohle.

²⁰⁴ Ho tla ka phalimeho, ka tsela e seli ho Molimo, ho thoe, "Ntate, ke 'na enoa. Ha ke tsotelle, ke tla latèla Lengolo, moralo. Ha ke tsotelle seo mang a se buang, ke tla tiisetsha ho Lona," 'me u hlile u tible ka eona. "Ha ke tsotelle seo e nqosang sona, Morena. Ha ke letho, le ho qaleng, empa ke batla ha U nka nketella pele. Le ho lumella Moea o Halalelang, o ngotseng Bibele ena, o entseng litšepiso tsena, ho boela o e thasisetsa ka bophelo ba ka. Ke utloa U ntataisetsa nq'a eo."

²⁰⁵ "Ke 'na enoa, roma 'na," Esaia o boletse ka tempeleng, mohla a boneng Likerubime li ikoahetse lifahleho ka mapheeo, li ikoahetse maoto, 'me li rura ka mapheo. 'Me eaba O okha leshala la mollo 'me a hloekisa molomo oa hae, eaba Moea oa Molimo o theohela holim'a hae. Hobane'ng re sa khone joalo? Molimo ha u fumane motho ea joalo.

²⁰⁶ Mohla A neng a tsoma barutuo ba Hae, "O ttile ho Ba Habo, Ba Habo ha ba kà ba Mo amohela." Ke ha A sa khone ho fumana e mong. Ba ne ba lebeletse Hoo.

²⁰⁷ Kajeno lefatše le shebeletse pholiso ea Khalalelo. Empa ha ke tsotelle na u—u hlakisa pholiso e kae ea Khalalelo, ba sa ntse ba sa tl'o lumela ho uena.

²⁰⁸ Be, hantle ka mora ho latola Jesu, mohla ho ngalang ba mashome a supileng, O bile a sokolohela ho barutuoa ba Hae, ha thoe, “Ana le batla ho tsamaea, le lōna?”

²⁰⁹ Ba itse, “Re ka ea ho kae?” Petrose, o itse, “Ke Uena ea nang le Mantsoe a Bophelo Bosafeleng.” Ua bona?

²¹⁰ ’Me eaba O tsoa hantle, ’me ho be le monna ea se nang lipolokoe tsa mahlo boholokoaneng ba hae. ’Me eaba O luba letsopa ’me a tšasa mahlo a hae, a ’molella, “Ea itlhatsoa letšeng la Siloame.” ’Me, hoba a phethise, o khutlle a bona.

²¹¹ Na e kile ea ba fetola? Na botumo ba Hae bo ile ba kokomoha? Che. Bo ile ba theoha, ba theoha, ba theoha. Hobaneng? O ne a tsepame tseleng. O ne a tsepame holim’ a ’mapa oa tsela.

²¹² Ho a tšoana le kajeno. Ba bona lipontšo, meeka, mehlolo, ’me ho entsoe ntho eohle, ’me ba re, “Ah, hoo, ha ho letho ho eona. E ka be e etsahetse, leha ho le joalo.” Ua bona?

²¹³ Ba tsositse Lazaro lebitleng, ea ka ketso eo e tla reketlisa sechaba sohle. Bibele e mo boletse A tla etsa hoo. Eo e ne e le mehlolo e tlang ho latèla. Mohla A emeng, a tobane le mosali oa Mosamarria mona, ’me ho thoe, “U bile le banna ba bahlano.” Taba eo e loketse e be e sisintse lefatše lohle.

²¹⁴ ’Me kajeno O eme ka ho batho ba Hae, ’me le a E bona, nako ka morao ho nako, ho etsoa ntho e tšoanang. ’Me ba re, “Ah! Uh-huh. Be, kea kholoa e ne e itoketse.” Ua bona, feela ba sa tsotelle, boinehelo bo sa fumanoe. Oh, ba ee ba khethèle nakoana kathoko, ho ea kerekeng hang ka nako, le ntho e kang eo. Empa mabapi le ho inehela, che, ha ba batle, ha ba batle ho inehela. Ha ba E batle.

²¹⁵ Mohla Jesu a neng a bitsa barutuoa ba Hae, O ile a tlameha ho etsa’ng? Ho iphumanela mofuta o sa balang, oa banna, batho ba sa tsebeng le ho tekena lebitso la bona. “Petrose, Johanne,” Bibele e boletse, “ba ne ba sa bala ’me ba sa ruteha.” Ke bona bao A neng a tla ba fumana.

²¹⁶ Empa haeba bahlalefi ba hana, ba hanne ho Mo utloa mohlang oo, ba ke ke ba Mo utloa joale. Ba ipetletse mocha oa bona. Be itsamaela tseleng ea bona. ’Me ba—ba latètse tsela eo hobane ba rupeletsoe, hobane balisa ba bona, libishopo tsa bona—tsa bona, le lik’hadinale tsa bona le—le bomopapa, le eng hape, ba ba laelitse tseleng eo.

²¹⁷ Empa Moea o Halalelang o tla u khutlisetsa pentekosta, ka nako le nako. Ba e entse Lengolong, ho mang le mang, ’me ho tla ba joalo letsatsing lena, ho e mong le e mong. O tla u khutlisetsa bonneteng boo. O tla u khutlisetsa morao kolobetsong ea Matla a Moea, a tlang ho u tsamaisa ’me a ke ke a fokotsa Lentsoe le le leng Bibeleng. A tla lula le Bibele. Moo E buang sena, E tla latèla hantle ho haola le Eona. Moea o Halalelang o tla etsa joalo. O tlisa bonnate.

²¹⁸ O ile a etsa'ng? A tlameha ho itholla batšoasi ba sa balang bana ba lihlapi, ba se nang liaparo; ba itlamile ka nthoana feela, liaporone tsa lihlapi, le lintho tse joalo, ho se liaparo. Ba sa bala hakana, ba sa khone le ho tiisa ka lebitso la bona; ba sa ruteha, ho se thuto. Empa O bile a fumana motho e mong. A tlameha ho fumana motho e mong. Empa O fumane banna ba boemong bo joalo, bona ba ikemiselitse ho inehela, ba neng ba ikemiselitse. Ba se na letho ho itšoarella ka lona. Ba se na likereke tsa letho, mekhatlo efe ea malumeli le ntho efe. E ne e le batšoasi ba paala feela ba lihlapi, baalosi ba manku; ba sa tsebe ho ngola, ba sa tsebe ho bala, kapa le letho. Empa ba se na seriti se ka ba lahlehelang, 'me eaba O a ba finyella 'me ba e tèla. Ba itse, "Eng le eng eo U e bolelang, Morena, re tla e etsa. Re tla U sala morao."

²¹⁹ Empa eitse ha ba inehela ka botlalo ba inehela ho Molimo, Molimo o ba nehile bonneta ba pentekosta. O ba isitse holimō Pentekosta, oa ba neha Moea o Halalelang. Mono, moo ba neng ba le teng, mono, tlas'a Moea oa Molimo, ba etsetsa batho lipontšo tsa mefuta eohle tse bosaoana, ba holoketsa 'me ba hoelea, ba itšoere joalo, 'me ba leka ho... Bibebe e boletse. Ba ne ba eme holim'a eng? Ba ne ba kene 'milakhölong.

²²⁰ Bibebe e itse, "Ke ka melomo e holoketsang le ka lipuo lisele Ke tlang ho bua le batho bana, 'me ena ke nqalo ea Phomolo, ea soule. Ke eona ntho e neng e tla tla." Esaia 28:18, e bale. "Ke ka melomo e kokotletsang le ka liteme lisele Ke tlang ho bua le batho bana. Ena ke eona Phomolo." Ha se Sontaha; ha se letsatsi la Phomolo. Moea o Halalelang ke letsatsi la Phomolo. Löna baena ba Advente; letsatsi la bosupa la sabatha ha se Phomolo. Moea o Halalelang ke Phomolo! "Ke ka melomo e kokotletsang le ka liteme lisele Ke tlang ho bua le batho bana. 'Me ena ke eona Sabatha. Ena ke eona!" *Sabatha* e bolela "Phomolo." Ena ke eona Phomolo, ea soule, u fumana Phomolo ea Bosafeleng.

²²¹ Joaloka Molimo, mohla O nong o etsa lefatše. Ka letsatsi la bosupa, Oa phomola ka morao ho moo. Oa phomola, Oa tsoelapele oa phomola.

²²² Ha re kena ka ho Molimo, re phomola ka mehla eohle; ha se ho tloha Sontaha se sang ho ea ho se sang. Re phomola, ka Bosafeleng. Re rua Bophelo Bosafeleng. Moea o Halalelang o u neha Phomolo.

²²³ Joale, ba ne ba fumanae bophihlelo ba pentekosta, bonneta ba Molimo. Ba ne ba fumane ho hong.

²²⁴ Le ntumelle ho bua ntho e 'ngoe hape. Litumeloana ha li kholise pelō e lapileng. Litumeloana ha li kholise. Ekare ha motho a lapetse Molimo, u ntano 'molella, ho thoe, "Etsa Tumelo ea Baapostola, ingolise le kereke, ngolisa lebitso la hao *mona*, ufafatsoe kapa u quelisoe," kapa sohle seo u se batlang, ha e ka ke ea kholisa pelō e lapileng. Hoba, ba ne ba reroe, ke Molimo, ho batlisisa Bophelo. Ka mohla o mong e mong e-e-ba mangeli,

ho kile ha ba le lengeloi le sa kang la oa. Ho oele karolo ea peli-tharōng ea mangeloi a Leholimō; eo ke meea e mebe ena e sebetsang har'a batho, e hlile e tletse borapeli. Ua tseba Bibele e bolela joalo. U ne u se mona hantle ka mehla. U kile ua ba nq'a e 'ngoe ka mohla o mong.

²²⁵ Hopolang, sebe ha sea qala lefatšeng. Sebe se qalile Leholimōng, mohla Lusifere a nkang 'me a mo etsa... O itse, "Ke batla mokhatlo oa bolumeli, ho etsa ntho e kholoanyane," a tloha a ea naheng ea leboea a hloma ntho e khōloanyane ho ea Mikaele. 'Me eaba o lelekua Leholimōng.

²²⁶ 'Me mangeloi ao a morao mono, meeа eo. Be, ka lona lebaka leo, "Mohla tabernakele ena ea lefatše e senyehang, re na le e re emetseng." Ua bona? 'Me ke lona lebaka, "Mabitso a rōna a ne a le Bukeng ea Bophelo ea Konyana pele ho thoea lefatše." "Bohle bao Ntate a 'Neileg bona, ba tla tla ho 'Na."

²²⁷ Ebe u ka khona joang? "U na le mahlo, athe ha u bone; litsebe, 'me ha u utloe." Ha ho makatse, ua bona. Mono, lintho tsena tsohle, ua bona, tseo Molimo o li tsepisitseng morao mane, tsohle li ne li... Ke buile bosiu bo bong ka re motho ha a...

²²⁸ Jesu o boletse. Sebata se tlang ho fihla lefatšeng, e leng antikreste, se topetsoe ke borapeli, "ho bapa ho ka thetsang le bona bakhethoa hola ke ntho e ka etsoang." Ntho e khōlō, ka moo mokhatlo o moholo o eeng o qale, 'me ba holehane le mekhatlo e meng. 'Mè seotsoa sa khale; ebile se ne se tsoetse baralinyana, tsona e le liotsoa tse tsoileng, e leng mekhatlo. Ha thoe, "'Me ba ka thetsa le lona lefatše lohle, 'me ho ka thetsa le bona bakhethoa hola ke ntho e ka etsoang."

²²⁹ Empa ha se ntho e ka etsoang; mabitso a bona a ne a ngoloe ho Konyana. "Bao A ba tsebileng pele, O bile o ba bitsitse; ba A ba bitsitseng, O bile o ba behile ba lokileng; 'me bao O ba behileng ba lokileng, O bile o ba tlottlisitse." Ka hona, ha ho sa na letho, ua bona. Ke hantle. U ke ke ua tla u sa bitsoe ke Molimo. "Ha se ea batlang le ha e le ea mathang; e mpa e le Molimo o hauhelang." Ke hantle haholo. Lengolo le e tlalehile joalo.

²³⁰ Ka hona, ha ba batle ho utloa taba Eo. Hobaneng? Ba lefifing. Ba batla ho sala tumeloana morao. "Ke lokile hakaale ka uena." Ha ho a buuoa letho ka ho loka. Ha ho ea lokileng. Ke Molimo o lokileng, ua bona. Empa na u ikemiselitse ho inehela ho Eèna? Ke seo ke se nahanneng. Na u itokiselitse ho inehela? Ua bona? E ke ke—e ke ke ea kholisa soule e lapileng. Mamelang.

²³¹ Mohlang oo, Pauluse, ba ba kae ba mo tsebang e ne e le—e le mothuti oa thutabomolimo? [Phutheho e re, "Amen."—Mohl.] Empa e ne e le seqhobane sa kelello. Eèna, ehlide, o ne a rutiloe ke Gamaliele, e mong oa bathuti ba hloahloa ba thutabomolimo ba letsatsi. Empa o buile joang mohla a fihlang ho Kereke? Balang Bakorinthe ba Bobeli 2:4, ho Bakorinthe ba Bobeli 2:4, o itse, "Ha kea ka ka tla ho lōna ka mantsoe a bokheleke, e leng bohlale

ba motho oa lefatše lena; hoba, holane ke entse hoo, tšepo ea lōna e be e ka hahoa bohlaleng ba motho, mekhatlo, malumeli a hlophisisitsoeng. Ke mpa ke tlie ho lōna ka Matla a Moea o Halalelang, e leng liponahatso. Ponahatso eng? Ho bonahatsa lipontšo le meeka ka Moea o Halalelang. Ke tla ho lōna ho re... hore tšepo ea lōna—hore tšepo ea lōna, hore tumelo ea lōna, e se ke ea theoa bohlaleng ba bolumeli ba kerekahali e itseng, e mpe e theoe Matleng a Moea o Halalelang le tšoho ea Jesu Kreste.” Moithuti e moholohali oa thutabomolimo ea kileng a phela, o boletse a ne a tlamehe ho lebala sohle seo a se tsebileng, ho fumana Kreste. ‘Me o itse, “Ha ke bolele litaba tsa bohlalefi. Ke rera ho nyatseha ha boëtapele ba Moea o Halalelang. ‘Me ke tla ho lōna, ke bolela Hoo.” Ha thoe, “Nka rera ka mokhoa o mong, empa” ha thoe “mesebetsi ea ka—ea ka ha se therō e joalo.”

²³² “Joale, re tla bona haeba re ke ke ra eketsa milione ka ’34,” kapa ’44, e ka bang eng, mapetjo a bona. “Re tla joinisa litho tse *kana monongoaha!*”

²³³ O boletse, “Nka be ke entse hoo. Ntho eo ke e bolokile halelele, feela ke ile ka e hloboha. Ke tlie ho lōna, ke sa bue mantsoe a hohomohileng le a ikakasang a moithuti ea itsemg oa thutabomolimo. Empa ke tlie ho lōna ka Matla le ka liponahatso tsa Moea o Halalelang, ho re tumelo ea lōna e theoe ho Moea o Halalelang ‘me e seng bohlaleng ba banna ba itseng.” Oh, banna!

²³⁴ Molimo; o batla batho ba joalo. Molimo kajeno o batla batho batho bao A ka ba tšoarang ka tsela eo.

²³⁵ Nakoana e fetileng, koana Landane, Engelane; ho itsamaela nakoana. ‘Me Engelane e joalo, Lihlekehleke tsa Borithani, li aparetsoe ke batho haholo! Koana Engelane, u batla u sa fumane sebaka, mohlomong, ho hahiloe ntlu ho tsona, ‘me ba lema ling tsa bona... Joaloka Jeremane, le joalo-joalo, mafatše a khale a joalo mono, ‘me mobu o khathetse, ‘me ba lemme tšingoana. Koana Jeremane le libakeng tse kang tseo, ha u fumane letho, jareteng e ka morao, joang bo itseng bo setiloeng ka makhethet le lifate tse ngata. U fumana litamati le linaoa le litapole, ntho e ka jeoang. Ba tlamehile joalo. ‘Me mobu o nkiloe hona ho fihlela... .

²³⁶ Lesojana le neng le ntsamaisa hohle, re ile ra nyolohela holim'a leralla, ’na le Moena Baxter, le moshanyana enoa. Eaba re fihla setšeng se setle. Teng ho metse lifate, le joang bo botalana, le ntho eohle. Ka nahana, “Na ha se tulo e ntle eo!” Ka rialo ho limey enoa, ka re, “Monghali, ke—ke rata ho u botsa potso. Ke bona sehlekehleke sa lōna mona se koahetsoe haholo. Hobaneng sebaka se seholo mona, sa liakere tse ’maloa, setša se setle sa lifate le phula, le ntho eohle ka tsela eo, hobaneng le se tlohela ‘me ho se mang ea ahang ntlu mona?”

²³⁷ A re, “Reverende, ke—ke batla ho bua taba ena. Lilemo tse batlileng ho ba makholo a mabeli tse fetileng, ho oelesoia sa feberu ea metsi a matšo, e ropohileng mona Engelane.” Le ho

re, “Ha ba ka ba fumana setlolo, ’me batho ba shoa joaloka lintsintsi.” A re, “Likoloi, ha ba mpolella, tsa kena motšeħare le bosiu. Ba sa khone le ho ba epela. Tšebeletso ea boruti e ne e fiħla mona, hang ka nako, a phahamise matsoħo a hae a rapele, a ntano khutla. Ba ba lihela boħle phuleng ena mona. Ba sa khone le ho ba epela.” Ho re, “Ba shoa, ’me ba shoa, ho fiħlela likete tse atisoang ka likete, tsa bana, le batho ba baholo, bacha le ntho efe le efe, ba shoele. Eaba ba ba ntšetsa kantle mane, ba ba nka mobu ba o tħela holim’ a bona hoba seo a se fete.”

²³⁸ ‘Me a re, “Ua tseba ke’ng?” A re, “Ho tloha mohlang oo, ho fiħlela lena, monna oa Monyesemane o tiile hobane a ke ke a thea motheo oa hae holim’ a moo ntho e joalo e kileng ea hlaha. A ke ke a thea motheo oa hae holim’ a lintho tse kang. . . A ke ke a hlola a haha ntlu ea hae nqalong eo lefu le kileng la lala joalo.” ‘Me eaba ke ema nakoana mono, ’me ka nahana. Ke sa hloke ho ’molella, a ke ke a utloisisa.

²³⁹ Empa ho tla joang, lefatħeng, ha motho a ka e toba ka botšepehi bo bo kana; ho fiħlela, haeba feberu e ntšo, lilemo tse makħolo a mabeli tse fetileng, e kile ea lala mobung oo. Empa u lesiitħeho ha kana, ’me o tħoenyehile ka hobane u batla ho phela haleletsana, ’me u ka tloha u tħoaetsoa ke feberu e ntšo ha u haha ntlu ea hao mono. ‘Me feela u lema pheletso ea Bosafeleng ba hao holim’ a tumeloana e itseng e shoeleng lilemo tse makħolo tse fetileng, holim’ a thutabomolimo e itseng, thutabomolimo ea kereke e itseng esale e lala bobolokelong makħolo a lilemo; e se na letho, ho se motsamao oa Molimo ho bona, le ntho eohle. ‘Me feela u batla ho qħoaela lebitso la hao le tumeloana, le ntho eohle, hantle mono, le ho tsoelapele u phela. Mamela, motsoalle, u se ke ua etsa joalo.

²⁴⁰ “Holim’ a lejoe lena Ke tla haha Kereke ea Ka, ’me likħoro tsa lihele ha li ka ke tsa E hlola. Mesebetsi eo Ke e etsang, le lōna le tla e etsa. Bonang, ’na Ke na le lōna, le ka ho lōna, ka meħla, ho isa bofelong ba lefatħe; Jesu Kreoste, eċċena maobane, kajeno, le ka meħla.”

²⁴¹ Molimo ke Molimo oa bonneta. U se ke ua amohela tumeloana feela. U se ke ua amohela tħiġi mohela feela. Nka bonneta! Nka Molimo oa ’nete, ntho eo Molimo o leng eona, Molimo oa bonneta. Ntho eo u fang kholiseho. E u fa tħsep. E u fa tumelo. E u fa Moea. E u fa lipontšo. E u fa meeħa. E sebetsa ka ho uena seo e se sebelitseng ka ho Kreoste. Hobane, oo e ne e le morero oa Hae oa ho tla, ho tlisa Molimo ho motho, le ho etsa Molimo le motho bang.

²⁴² Empa re amohetse mekħatlo ea malumeli, le ho Mo ntšetsa ka ntle; ho nka litumeloana, le ho Mo ntšetsa ka ntle, ’me joale re tsamaea holim’ a ditsela tse mathoko ka mona. Empa o teng ’mila oa ’nete oa makoma, le “tsela” ka har’ a ’mila.

²⁴³ Joale ho lōna baena ba Nazarene, ke rata ho bua sena. U re, “Mila oa khale o bokoang.”

²⁴⁴ Empa e ne e se 'milakhōlō, ha u ka elelleloa. Ho itsoe, “Mila o tla ba teng, le,” le ke lekopanyi, “le tsela.” ’Me “tsela” e ka har’ā ‘mila. Ha se tsohle tse holim’ā ‘mila, tse tsamauoang, empa tsohle tse leng “tseleng,” ke tsona tse tsamauoang. Ua bona? “Ho na le ‘mila, le . . .” Balang Esaia 35, “‘Mila o teng, le tsela.” Ua bona? ’Mila o na le bohare, ke mahareng a tsela. ’Me mahareng a tsela ke hona teng moo. ’Me ha pula e fihla, e hlatšoetsa tšila eohle ka thoko.

²⁴⁵ Joale ha u ka sheba, motho ha a sokoloha, o a tsepamisa, mahlo a hae a holim’ā Kreste ka kotloloho. Joale ha u sa shebe, ho joaloka ha ke rerile bosiu bo bong, joaloka ho . . .

²⁴⁶ Mohla Jakobo le Esau ba tsoaloang, ba tsoetsoe ba babeli ke ntate ea halalelang le ‘mè ea halalelang, empa e ne e le mafahla. E mong, motho oa nama, ea tletseng borapeli, a tsamaea kereke ‘me e le monna ea lokileng, a lokile haholo. Jakobo e ne e le senokoanenyana, empa a tsepamisitse mohopolo oa hae holim’ā ntho e le ‘ngoe. Tokelo eo ea boholo e ne e bolela tsohle ho eēna, ho sa tsotelehe ka moo a neng a lokela ho e finyella. Hobane, Bibele e boletse, “O ne a khethoe le pele ho theoa lefatše, ho batlana le hoo.”

²⁴⁷ ’Me kajeno batho ba teng, ha ke tsotelle botumo boo ba tlamehang ho bo sebelisa, hore ba tlameha ho lahleheoa ha kae, kapa seo ba tlamehang ho se etsa, ha e etse phapang ea letho ho bona haeba ba bitsoa sekhale, ho sa tsotelehe seo ba leng sona, ba tsepamisitse mahlo a bona ho Kreste hobane ba ne ba khetheloe Bophelo Bosafeleng. ’Me ba lema mono holim’ā eona hantle. Haeba e qosa ntho eohle, haeba e qosa sohle seo ba se ruileng, ba lema mono.

²⁴⁸ E mong ke motho oa lipolelo tsa molomo. O tsamaea kereke ‘me o ikutloa a thabile joalo ka ba bang bohle, o ea hae. Ua bona, boo ke bophelo ba Esau, ua bona. ’Me bo bong ke bophelo ba Jakobo. Joale ke moo, mahlakore a mabeli.

²⁴⁹ Lema motheo oa hao ka ho Kreste Jesu! Kholisèha hoba ke ka ho Eēna. U kena joang ka ho Eēna? Ka ho tsukutla matsoho, ka ho fafatsoa, ka ntho efe ea eng? “Ka Moea o le Mong,” Bakorinthe ba Pele 12, “re kolobeletsoa bohle ‘Meleng o le mong, Moea o Halalelang o le mong.” Ho kolobeletsoa ‘Meleng o le mong, mono ho robetse lineo tse robōng tsa moea le liofisi tse ‘ne tsa moea ka ho ‘Mele o le mong oo. Ka mono, Molimo o behile ka Kerekeng, baapostola, baporofeta, le joalo-joalo, ka Kerekeng ena. Ka mono ke lineo tsa pholiso, mehlolo, ho bua ka lipuo, bohlale, tsebo, ke tseo lintho (lipontšo) tse latelang molumeli.

²⁵⁰ Hobane’ng u ka amohela . . . Hobane’ng u ka amohela . . . Seo ke sa se utloisiseng, hobane’ng batho ba batla ho amohela

mahola a itseng a khale a bokereke, athe Lefika le khaphatseha makheha a linotsi. Khele, ke mpa ke sa e utloisise feela.

²⁵¹ Ha re inamiseng lihlooho tsa rōna. Na le ka rata ho hopoloa thapelong, ho re, "Molimo mphe takatso ea pelō ea ka. Ke rata Morena Jesu"?

²⁵² Ntata rōna ea Maholimong, ka linako tse ling ka mor'a tšebeletso, kea ipotsa. Hobane'ng Moea o Halalelang o sa phetse ho batolaka kereke? Ebe O e khona joang? Koana, motho ea tlotsitsoeng ke Moea a ke ke a bua seo ba batlang ho se bua, ba tlameha ho bua seo Moea o se buang. 'Me re fumana taba eo ka har'a Bibebe ea Khale, batei ba gauta, motei o batolaka gauta, le ho batolaka gauta, 'me a e phethole 'me a e batolake ho fihlela mekenella e phorotsehile ho eona; 'me a e batolake halelele hakana, ho fihlela a bone khalimiso ea hae ka har'a gauta, ke mohla a tsebang hobane e hloekile. Le Moea o Halalelang o batolaka kereke joalo, ho e phethola, le ho ahlolela *sena* le ho e ahlolela *sane*, ho fihlela A ntšitse likhoerekhoere tsohle, ho fihlela khalimiso ea 'nete ea Jesu Kreste e halima bathong ba Hae; ba fumane Bophelo bo tšoanang, lipontšo tse tšoanang, ho etsa mehlolo e tšoanang le eo A e entseng, khalimiso ea Moea o Halalelang ka ho batho.

²⁵³ Molimo, nka pelō ea ka e malimabe. Ak'o mpatolake, mphethole ka hohle, ka tsela efe eo U e batlang, Morena, empa ha nke ke halimise Jesu. Ha nke ke halimise Èèna, Morena. Batho bohole ba mona kajeno, Morena, bohole re ke re halimise Uena; bophelo ba Hao bo ratehang, kutlo ea Hao ho Ntate.

²⁵⁴ Re sa tsoa ba bolella hore Uena botumo ba Hao bo ile ba qepha. E ne re mohla U tlohang ho folisa bakuli, ehlile, ke ha U phahame, batho ba tlide ho U bona. Empa e ne e le eng? Mahobe le lihlapi. 'Me ea re ha U ba joetsa 'Nete ea Lentsoe, ke ha ba sa batle ho tsamaea nthong Eo, eaba moo botumo ba Hao bo theohang bo sa khaotse. U 'nile ua tsoelapele ua etsa mehlolo, empa botumo ba Hao bo ile ba theola sekhhahla.

²⁵⁵ U Molimo oa bonneta. Ha e sa le U le joalo. Ha U fetohe. Kea rapela, Ntate, hore kereke, le batho bohole ba phahamisitseng matsoho a bona mona, ba tla bona pono ea seo kajeno. Ba lumelle ho bona, Morena, ho re ha se motho. Haeba re sala motho morao, ekabe'ba re soto. Empa hola re ka sala Moea o Halalelang morao, O tla re isa pallong e 'ngoe le e 'ngoe ea Bibebe. Ntho e 'ngoe le e 'ngoe e ke e phethisoe maphelong a batho mona kajeno.

²⁵⁶ Ke tšoere liaparonyana tsa khale tsa masea, libakana tse nyenyane, lisakatuku, liphasel, letsohong la ka. Rea rutoa, ka Bibeleng, ho thoe ba nkile 'meleng oa Santa Pauluse, lisakatuku le liforesekoto tse amileng 'mele oa hae; eaba meeaa e mebe e tsoa bathong, 'me maloetse a folisoa. Kajeno batho ba sa ntse ba bona Molimo o tšoanang. Joale rea itseba ho re ha re Santa Pauluse, empa U sa ntse u le Jesu. 'Me e ne e se Santa Pauluse; e ne e le

bophelo ba Santa Pauluse bo inehetseng ho Jesu Kreste. "Eaba Morena o etse mehlolo eikhethang," e seng Pauluse; Morena!

²⁵⁷ Joale, Ntate Molimo, re lumela re sa tsebe ntho le e 'ngoe, re seholloa khafetsa e ngata; hlatsuo ea maoto, ho kolobetsa ka Lebitso la Jesu Kreste, ho thibela bareri ba basali, ho lumela polokeho ea Bosafeleng ea soule, ka moo le eèna Pauluse a rutileng. Ho bolella Baefese, "Ba ne ba reroe ho e-so ho theoe lefatše, ho ba bara le barali ba Molimo." Ho bolella Bakorinthe taba eo, ha thoe "Molimo o hloile Esau 'me o ratile Jakobo, le pele ba tsoaloa, le pele ba fuoa monyetla oa ho tseba bottle le bobe," hobane e le boitherelopele ba Hae—ba Hae. Boitsebelopele ba Hae bo Mo lumella ho tseba. 'Me, Ntate, hobaneng ba hloleha tlas'a lintho tse kang tseo, kolobetso ea Moea o Halalelang, tse feheletsoang ke lipontšo le meeka joalo ka ha U tsepisitse, Bibele e a bolela "E ne e le Uena maobane, le ka mehla"? Ntate, ha rea ikemisetsa ho fapana. Empa re...ho...ho re re tle re be bahlanka ba Hao, re tlameha ho sala Lentsoe la Hao morao. Kea rapela, Ntate, ho re U lumelle batho ho bona ho re ha se ka labaka la ho fapana kapa ka boitšepo, kapa ho leka ho iketsa motho eo re seng eèna. Re mpa re leka ho tiisetra Lentsoe la Hao. Lumella e mong le e mong ho bona seo, Ntate.

²⁵⁸ 'Me e re ke sa romela liaparo tsena ho bakuli, e mong le e mong oa bona a folisoe, Morena. Moea o Hao o Halalelang o bone ponahatso ena ea tumelo, 'me ba ke ba tlohe 'me ba folisoe. Aba sena, Morena.

²⁵⁹ Hlohonolofatsa Moena Neville. Hlohonolofatsa kereke, 'moho. Hlohonolofatsa sekolo sa Sontaha, mesuoe. Hlohonolofatsa balebeli bohle mona. Hlohonolofatsa baeti ba menyakong ea rôna.

²⁶⁰ Morena, nthuse. Ke tlameha ho khanna ka potlako joale, ho fihla koana, ho leka ho tšelisa lelapa le robekileng pelö; limaele tse lekholo le mashome a mahlano, kapa ho feta, tlase koana mahaeng, ke na le nakoana feela ho fihla teng. E-ba le 'na, Morena. Nthuse. 'Me tabeng ena ho ke ho...Lekhale, lekhale ha ke rate ho bua holim'a motho ea hlokahetseng pele ke neha bao, ba emeng haufi, monyetla oa ho U amohela. Molimo, neha ba bangata ba batho ba malimabe bao ba Kentucky hore ba nyolohelie aletareng ena ka boikokobetso thapama ena, kerekeng eo ea Methodise, le ho U neha lipelö tsa bona. Aba sena, Morena. Ak'o hauhele joale.

²⁶¹ Re hlohonolofatse joale, 'moho. Folisa bakuli, le ho pholosa ba lahlehileng. Re e kōpa ka Lebitso la Jesu. Amen.

²⁶² Ke tla kōpa Moena Neville ho nka litšebeletso metsotso e 'maloa feela joale, ho tsoelapele, 'me ha ke tsebe seo a tlang ho se etsa nakong ena. 'Me le nthapelle bohle, 'me ke tla le bona hamorao. Molimo a u hlohonolofatse, Moena Neville.



LINNETE TSE SA SITOENG TSA MOLIMO O PHELANG SST60-0626
(The Unfailing Realities Of The Living God)

Molaetsa wona, ka Moena William Marrion Branham, o rerilwe sethatong ka Senyesemane a Sontaha hoseng, Phupjane 26, 1960, Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org